



**O' Neill: Oil Ges, i stap strong yet- P2**

**Gan i go bek long han bilong polis na ami - P6**

**Today**  
P9, 10.19 na 20

# Dadae bai stat wok now

Aja Potabe i raitim

**NUPELA Gavana Jeneral Bob Dadae, husat i kisim ples bilong pastaim Gavana Jeneral Sir Micahel Ogio, bai stat wok long Gavman Haus.**

Sir Michael Ogio i bin dai long las wik Sarere bihain long em i bin sik.

Long Tunde long dispela wik Palamen i bin witnes long Mista Dadae I mekim promis na kamap namba 10 Gavana Jeneral bilong PNG.

Praim Minista Peter O'Neill, Deputi Spika bilong Palamen John Simon, wantaim sampela memba bilong Palamen, Sif Jastis Sir Salamo Injia, na Komanda bilong PNG Difens Fos, Brigadia - Jeneral Gilbert Toropo I bin stap long dispela seremoni.

Brigadia -Jeneral Toropo i bin hostim gad ov ona bilong Mista Dadae. Ol ami i bin mas na polis na woda i pilai ben

taim planti manmeri, ol wok manmeri bilong Palamen na wan wan gavman dipatmen na famili memba bilong Mista Dadae i bin stap.

Siaman bilong PNG Kaunsil ov Sios, Bisop Danny Bray Guka, i bin beten long Papa God i ken helpim nupela Gavana Jeneral i mekim gut wok bilong em.

Mista Dadae i holim Buk Baibel na tok promis long ai bilong Sif Jastis Sir Salamo Injia olsem em bai rispekim Mama Lo na arapela lo bilong kantri na mekim wok bilong gavana jeneral wantaim bel isi na gutpela pasin.

Bihain long dispela, opisal kar bilong Gavana Jeneral i kam kisim Mista Dadae na meri bilong em, Hannah, i go long Gavman Haus long Konedobu we Mista Dadae bai stat wok olsem namba 10 Het ov Stet bilong PNG.

**I go moa long pes 2...**



Nupela Gavana Jeneral Bob Dadae i lusim Palamen na bai statim nupela wok bilong em. Poto: Nicky Bernard



# O'Neill: Oil na ges industri kamap strong

**PRAIM Minista Peter O'Neill i tok oil na ges industri long PNG i wok long gro na planti nupela oil na ges kampani i soim intres long kam inves long kantri.**

Mista O'Neill i autim dispela toktok taim em i laik opim namba wan bung bilong PNG Petroleum na Eneji Samit long Stanley Hotel long Pot Mosbi long Tunde long dispela wik.

Mista O'Neill i tok ol bikpela kampani olsem ExxonMobil bilong Amerika na Total SA bilong Frans i kam insait pinis long kantri long mekim bisnis.

"Dispela i soim olsem ol i bilip strong long PNG. ExxonMobil i kirapim PNG LNG Projek na konstraksen bilong dispela projek i bin pinis hariap.

"Dispela em i wanpela gutpela rekot PNG i gat. Mi bilip olsem Total bai kirapim namba 2 LNG projek, Papua LNG, long klostu taim tasol," Mista O'Neill i tok.

Em i tok gavman i amamas long skelim olsem prais bilong oil na ges bai kirap gen bihain long dispela yia.

"Prais bilong oil na ges bai

kirap gen klostu taim. Dispela em i gutpela taim we kantri i go insait long lukim namba tu LNG projek.

"Ol bikpela kampani husat i kam inves long hia bai helpim PNG long kirapim ikonomi.

"Ol bai apim nem bilong PNG i kamap wanpela kantri bilong kamapim na salim oil na ges," Mista O'Neill i tok.

Em i tok em i amamas long harim olsem Menesing Dairekta bilong Oil Search, Peter Botten, i tokaut olsem PNG i redi long namba 2 LNG Projek.

"Oil Search i redi long kamap patna bilong Papua LNG Projek na mi amamas long luksave long sampela ol bikpela wok dispela kampani i mekim long kirapim kantri bilong yumi," Mista O'Neill i tok.

Em i tok gavman i redi long helpim ol investa long kam hia.

"Sampela ol lo na polisi bilong mekim bisnis long hia bai senis. Gavman bai senisim long pulim moa investa i kam insait," Mista O'Neill i tok.



Minista bilong Petroleum na Eneji, Nixon Duban

## Sir Julius salim tok sori long Sir Michael Ogio

GAVANA bilong Nu Ailan, Sir Julius Chan i tok bipo Gavana Jeneral, Sir Michael Ogio i wanpela long ol liklik lain manmeri husat i mekim bikpela kontribusen tru long developmen bilong Papua Niugini.

Sir Julius i mekim dispela toktok long pas em, i go long Lady Esmie Ogio na ol wanpinis na famili bilong Sir Michael Ogio.

Sir Julius i tok Sir Michael i no wanpela statsman tasol husat i gat bikpela namba tasol em i man husat i save daunim em yet na soim olsem em i gat tingting long ol narapela na i bin wanpela gutpela man.

"Sir Michael i bin stap long taim kantri i go insait long planti bikpela senis. Ol wok bilong em long PNG i planti tumas long kolim bek na mi sori tru long harim em i dai pinis. Mi pilim yumi lusim pinis wanpela strongpela man husat i save skelim gut ol samting na em i stretlong ol disisen em i save mekim long traim stretim ol hevi," Sir Julius i tok.

Gavana Sir J i tok, Sir Michael Ogio em i bin wanpela presen i kam long PNG na em i tok



Sir Julius

tenkyu tru long famili bilong em long serim em wantaim olgeta pipel.

Tupela senia wokman bilong Sir J, taim em i bin praim minista i joinim Maining minista na membabilong Namatanai Open, Byron Chan long funeral sevis na givim soim pes long Fonde las wik long Pot Mosbi.

Em i salim tok sori bilong em, makim Lady Stella na famili bilong em, memba bilong Namatanai, Byron Chan na famili, na Provinsal Gavaman na pipel bilong Nu Ailan i go long meri bilong Gren Sif Sir Michale Ogio wantaim ol pikinini na tumbuna na ol pipel bilong Bogenvil.

## Polye laik daunim korapsen

OPOSISEN Lida Don Polye i tok em bai strongim pasin demokrasi na gud gavanens long rausim korapsen long kantri.

Mista Polye i mekim dispela toktok taim NBC Press Club i bin askim em long toktok long sampela ol bikpela hevi bilong kantri.

Ol nius manmeri bilong ABC, NBC, EMTV na Wantok Niuspepa i bin askim em long sampela bikpela samting i kamap long kantri.

Wanpela bikpela samting em i pasin korapsen we ol lida i mekim.

Mista Polye i tok sapos em i kamap Praim Minista, em

bai strongim Ombudsman Komisn na Polis Frod Skwat na kirapim gen Investigesen Task Fos Swip.

"Dispela em ol gavman ejensi we i stap long sekim gut ol lida. Ol lida i no ken brukim Kriminel Kod. Sapos ol i brukim ol i asua pinis," Mista Polye i tok.

Em i tok gavman i daunim strong na rausim pawa bilong ol dispela indipenden gavman ejensi bilong stopim pasin korapsen.

"Sapos mi kamap Praim Minista, gavman bilong mi bai givim strong long ol dispela ejensi. Lo i givim tok orait long ol i ken mekim wok

bilong ol.

"Na wok bilong ol em i namba wan wok bilong pait egensim pasin korapsen na larim gavman sistem i stap gut," Mista Polye i tok.

Em i no wanbel long gavman i bin isi isi tru long makim nupela Sif Ombudsman.

Mista Polye i no wanbel tu long Polis Komisina Gari Baki i daunim pawa bilong Polis Frod Skwat.

"Mi no wanbel long Praim Minista Peter O'Neill i rausim Investigesen Task Fos Swip. Mi bai strongim dispela namba wan ejensi bilong daunim korapsen, sapos mi kamap

## Duban les long kampani no gat mani

MINISTA bilong Petroleum na Eneji, Nixon Duban, i les long ol oil na ges kampani husat i no gat inap mani long kam mekim eksplorasen wok long PNG.

Mista Duban i tok planti eksplorasen kampani i no save gat inap mani tasol ol i save aplai long eksplorasen laisens.

Taim mani bilong ol i pinis, ol i save stopim wok na i no save pinisim wok gut.

Mista Duban i les long lukim dispela kain kampani i kam insait long PNG na aplai long laisens.

Em i autim dispela toktok long namba wan PNG Petroleum na Eneji Samit long Pot Mosbi long Tunde long dispela wik.

"Gavman i laikim ol oil na ges eksplorasen kampani husat i gat mani long pinisim gut wok na divelopim risos," Mista Duban i tok.

Em i tok taim em i kamap minista, em i rausim Petroleum Prospekting Laisens (PPL) bilong 50 oil na ges eksplorasen kampani.

"Mi rausim PPL laisens bilong 50 kampani. Ol i no gat inap mani long mekim wok na ol eria we ol i bin kisim PPL i stap nating.

"Gavman i les long lukim dispela kain investa i kam insait long PNG na mekim bisnis.

"Investa i mas gat inap mani long kam mekim oil na ges bisnis long hia," Mista Duban i tok.

## Dadae bai stat wok now

**I kam long pes 1...**

Long las siting bilong Palamen, Mista Dadae i bin tok em i amamas long ol pipel bilong Kabwum i makim em i kamap memba na lida bilong ol inap tripela taim olgeta.

"Mi laik tok tenkyu long ol pipel bilong Kabwum i bilip strong

long lidasip bilong mi na ol i makim mi kamap memba na lida bilong ol inap 15 yia olgeta," Mista Dadae i bin tok.

Mista Dadae i tok tenkyu long ol memba i votim em i kamap Hetov Stet bikos dispela i soim olsem PNG i bilip long em i ken holim dispela bikpela wok.

Mista Dadae i tok insait long dispela 15 yia we em i bin stap memba, planti manmeri i bin helpim em.

Em i tok em i save kisim helpim long planti manmeri long kantri na em i amamas long helpim bilong ol we i bin strongim em long kisim dispela nupela wok bilong em.

## Painim maket bilong LNG pastaim

WANPELA saveman bilong oil na ges i tok gavman na kampani i mas painim baia bilong ges o LNG taim ol i laik kirapim nupela LNG Projek.

Dokta Fereidun Fesharaki i tokim ol manmeri long namba wan bung bilong PNG Petroleum na Eneji Samit long Pot Mosbi long dispela wik olsem kampani bilong kirapim LNG projek na

gavman i mas painim longpela taim baia bilong LNG pastaim.

"Ges em i gat rijonal maket. Long Yurop maket o Esian maket, kampani na gavman husat i laik kirapim LNG projek i mas painim maket pastaim," Dokta Fesharaki i tok.

Em i tok ol kampani bilong kamapim oil projek i ken kirapim projek maski ol i no

painim baia bilong oil bikos oil em i wanpela samting we planti kantri i nidim.

"OPEC i save kontrolim maket bilong oil na Saudi Arabia em i wanpela bikpela kantri i gat nem long bikpela oil risev," em i tok.

Dokta Fesharaki i tok PNG i mas painim maket bilong salim LNG bilong Papua LNG Projek.

Em i tok gavman i

mekim gutpela disisen long salim LNG long Japan.

"Mi wanbel long Praim Minista Peter O'Neill i mekim wok long painim ol baia bilong LNG long Japan.

"Japan i ken kamap longpela taim baia bilong Papua LNG, wankain olsem ol i kamap long tem baia bilong PNG LNG," Dokta Fesharaki i tok.

## Kuman bai sapotim wok bilong laibreri

Paul Zuvani i raitim

OL laibreri i mekim bikipela wok long apim save bilong rit na rait long ol manmeri, Minista bilong Edukesen Nick Kuman i tok.

Em i tok spes namel long ol manmeri husat i gat save bilong rit na rait na ol husat i no save, i bikipela tasol wok bilong laibreri bai mekim go liklik.

Kuman i mekim dispela tok taim em i lonsim 10-ya Stratejik Plen bilong Nesenel Laibreri na Akaiv Rekod (NLAR) 2016 – 2025 long Gateway Hotel long dispela wik.

Em i tok wantaim dispela strateji ol laibreri we i wok long pundaun long wan wan provins bai kamap strong gen, wantaim ol skul laibreri na bai gat gutpela kodinesen na menesmen long olgeta level.

“Mi olsem minista i laik lukim olsem wok bilong ol laibreri i kamap strong gen long wan wan ol distrik na provins,” Kuman i tok.

“Gavman bai laik lukim i gat gutpela kodinesen na menesmen bilong laibreri long olgeta level bilong wok.

“Ol raita na ol pablisa i mas konek o pas wantaim ol manmeri long ples olsem i ken lukim wanem samting ol raita i raitim i go kamap long rurel ples.

“Mi bai go het yet long givim sapot bilong mi long wok bilong kisim na givim save na toktok long ol manmeri.”

Kuman i tok Gavman i kamapim

tiusen fi fri (TFF) polisi we em i laik olgeta manmeri i gat save bilong rit na rait.

Em i tok i gat planti salens long sekta tasol wantaim komitmen gavman i laik lukim tu olsem infomesen i go long olgeta manmeri.

Nesenel Laibreri Dairekta Jeneral Kakaito Kasi i tok bikipela tingting bilong plen em long bringim gutpela sevis long ol manmeri bilong kantri.

Em i tok kost bilong karimaut dispela strateji i stap olsem K54 milien.

Dispela i min ogenaissen bai kamapim ol provinsal laibreri sevis na akaiv na rekod sevis.

Em i tok long bringim sevis ol bai lukluk long:

- Givim gutpela trening long ol opisa na lukim ol i save gut long wok bilong ol;

- Kisim moa wok manmeri long bringim sevis i go long ol manmeri;

- Kamapim gutpela komyunikesen namel long distrik, provinsal, nesenel, rijonal na intenesenel level; na

- Kamapim gutpela infrastraksa long bringim gutpela sevis long ol manmeri.

Em i tok dispela strateji i go wantaim tingting bilong gavman long givim gutpela sevis long ol manmeri.

Em i tok em bai wok strong long lukim NLA plen i kamap gut.

# Parkop: Memba mas tokaut we TFF mani stap

Paul Zuvani i raitim

**MOA long K450,000 inap lus nating long wan wan distrik long wan wan yia sapos ol Memba na distrik atoriti i no yusim 30 pesen tiusen fi fri (TFF) infrastraksa komponen mani bilong edukesen sekta long kamapim ol wok, Nesenel Kapitel Distrik Gavana Powes Parkop i tok.**

Em i tok Edukesen Dipatmen i kamapim tripela hap o komponen bilong TFF polisi we i gat kes o edministresen komponen, kurikulum na risos materal komponen na infrastraksa komponen.

Em i tok dispela las hap em Memba i mas givim sapot long em.

Em i mekim dispela tok taim em i bung wantaim Memba bilong Mosbi Saut Justin Tkatchenko long opim 20-pela klasrum bilong Kilakila Sekendari Skul long dispela wik.

Wantaim ol klasrum em wok stretim bilong Kilakila Skul asembli hol (hall) we i bin bagarap na stap sampela taim.

Em i tok Edukesen Dipatmen i kamapim tripela komponen bilong TFF polisi we i gat edministresen o kes komponen, kurikulum na risos metiral komponen na las long dispela em infrastraksa komponen.

Em i tok dispela infrastraksa



**Powes Parkop, Nesenel Kapitel Distrik Gavana laik ol Memba mas yusim mani long kamapim wok.** Poto: Paul Zuvani

komponen em ol memba i mas givim sapot wantaim mani bilong kamapim ol klasrum haus tisa, saiens leb na ol arapela bikipela samting.

Em i tok sapos ol memba i no yusim dispela mani long wei ol i mas yusim, orait ol i mas tokaut long wanem hap ol i yusim mani na i no ken stap nating.

Parkop i mekim dispela tok taim em i bung wantaim Memba bilong Mosbi Saut Justin Tkatchenko long opim 20 klasrum long Kilakila Sekendari.

Wantaim ol klasrum tupela

Memba i opim tu asembli hol (hall) we i bin bagarap bipo na i bin stap nating.

Skul i yusim K2 milien long kamapim dispela ol wok we K1 milien i kam long Parkop na narapela K1 milien i kam long distrik sevises impruvmen program (DSIP) mani bilong Tkatchenko.

“Em i isi long wanpela i tok bak-sait long narapela tasol i hat long kamapim wok long sotpela taim,” Parkop i tok.

“Memba bilong yupela long Mosbi Saut Justin Tkatchenko i wanpela long ol memba husat inap kamapim planti wok long sotpela taim.

“Em i kamapim 20 klasrum na stretim skul hol bilong yupela long sotpela taim.

“Dispela em rekot na i no gat wanpela Memba long kantri inap kamapim 20 klasrum long wanpela skul.

“Long las 45 yia ol memba bilong yupela (Mosbi Saut) i no bin kamapim kain wok olsem.

“Yupela i mas amamas long wok memba bilong yupela nau i kamapim.”

Parkop i tok taim ol manmeri i lukim ol memba bilong ol i no kamapim wok ol i mas holim ol na askim we ol i yusim mani.

## Pastaim birua i soim sapot long Polye

OPOSISEN Lida Don Polye bilip strong long kisim bek Kandep sia bilong em long 2017 Nesenel Ilek-sen.

Mista Polye i tokim ol manmeri long Upper Marient long Kandep, Enga Provins olsem sampela ol kendidet i plen long bagarapim ileksen na bagarapim ol vota bilong mi.

“Mi laik askim ol pipel bilong mi long putim was na lukaut gut. Sampela kendidet bai kam insait long bagarapim dispela ileksen na bagarapim nem bilong Kandep,”



Mista Polye i tok.

Em i les long ileksen long Kandep i go bagarap tasol em i sapotim

wok bilong PNG Electoral Commission (PNGEC).

Mista Polye i tok ol sapota na

pipel bilong arapela kendidet, husat i save birua long em, i tanim bek na i soim sapot bilong ol long em.

“Ol manmeri husat i save birua long mi long taim bilong ileksen long taim bipo, i senisim tingting na nau i kamap sapota bilong mi.

“Dispela sapot ol pipel i givim i soim olsem mi bai kisim bek Kandep sia long klostu longt 30, 000 praimer vot tasol.

Mista Polye i tok arapela ol kendidet tu i gat rait aninit long Mama Lo long salensim em long

taim bilong ileksen.

“Tasol tingting bilong ol long kamap lida i no stret. Ol bai larim arapela no gut lida i yusim ol.”

“Ol bai kamap olsem wanpela biknem lida bilong provins bilong yumi, husat i save larim arapela lida i yusim em,” Mista Polye i tok.

“Man antap i givim mi lidasip long politiks long mi. Em i givim tu lidasip long arapela wok, na i no long politiks, long arapela ol kendidet husat i laik salensim mi,” Mista Polye i tok.

## More Convenience, with our e-Business Solutions.

- ▶ EFTPoS
- ▶ KUNDUPEI
- ▶ CARDS
- ▶ ATMS
- ▶ MOBILE BANKING
- ▶ BILLPAY
- ▶ INTERNET PAYMENT GATEWAY (IPG)
- ▶ AGENT BANKING
- ▶ ONLINE PERSONAL BANKING



**BSP**  
www.bsp.com.pg

# Edukesen Minista lukluk raun long Hela provins

Timon Henry Hebari i raitim

MINISTA bilong Edukesen na Memba bilong Gumine, Nick Kuman i bin go lukluk raun long wanpela skul long Beneria insait long Hulia Likal Level Gavman long Hela Province.

Planti tausen manmeri na Huli wigmen singsing Mali group i bin bungim Gavana bilong Hela na Memba bilong Komo Magarima, Francis Potape na Edukesen Minista Nick Kuman taim tupela lukluk raun long skul.

Minista Kuman i tok, i gat planti hap long go lukim ol skul tasol no gat taim na mi tok orait long kam long hia bihainim singaut biking Gutpela Lida na Gavana bilong Hela Hon Francis Potape.

Em i tok strong long pipel lusim trabel salim pikinini long i go long skul bai ol kisim gut save long rit na rait.

Gavana Potape i tok moa olsem



Minista bilong Edukesen Nick Kuman i lukluk raun long Beneria skul long Hulia LLG, Hela Provins wantaim Gavana bilong Hela, Francis Potape. Foto: Timon Henry Hebari.

Beneria em bai sapatim moa mani long skul helt rot na bris.

Hulia Beneria LLG President i wok i gat nid long mekim. tok em tu bai sapatim wanem

## AUTIM TINGTING

Moning tru, mi gat bikpela bel hevi na wari tru long dispela ROT KONDISEN i go long HUBE LLG, insait long Finschaffan Distrik i olsem 41 yia nau mipela pipel bilong Hube save pusim, karim PMV trak olsem kau na donki.

PMV truk inap karim man tasol nogat man save pasim PMV trak olsem kau, donki na pulim. No gat gutpela sevis save kam long gavman. Tru stret dispela rot i no save helpim mipela gut.

Olsem na plis inap gutpela Karen Honorebel Memba bilong Finschaffan, plis kam aut na tok klia long mipela pipel bilong Finschaffan na konsen Lokal Level Kauniel long "WANEM wok bilong dispela (DSIP) "Distrik Sevis Impruvmen Program"? 2017 Jeneral ileksen i kam klostu na karen (MP) bai pusim, karim 10 sita bilong em olsem donki long dispela kain kondisen rot?"

Dispela bai luk fani tru long ai bilong pipel na komyuniti." Ating i luk olsem disisen bilong 2017 Jeneral Ileksen i stap ples klia pinis!! Tenkyu, Konsen Hube Merac.

## Nupela setalait teknoloji bai helpim balus

OL pailot i ken yusim nupela setalait sistem long helpim ol long flaim balus, Sif Eksekutiv Opisa (CEO) bilong PNG Air Services, Kepten Ted Paki, i tok.

Mista Paki i tokaut long dispela nupela setalait sistem long las wik Fraide long ATS long Pot Mosbi.

Nem bilong dispela nupela setalait sistem em i Global Navigesen Setalait Sistem (GNSS).

Mista Paki i tok GNSS em i wanpela nupela na gutpela samting PNGASL i mekim long senisim bilong balus insait long PNG.

"Planti ol balus i wok long yusim ol olpela samting long nevigesen

sistem. GNSS em i wanpela nupela setalait teknologi we bai helpim ol pailot long taim nogut," Mista Paki i tok.

Em i tok GNSS bai helpim ol balus long stretim samting bilong pundaun o kirap taim klaut i pasim ranwe na ples balus na sapos pailot i hat long lukim ples.

"Em i nupela teknologi we ol balus kampani long PNG bai yusim long mekim wok i kamap isi. Sefti bilong ol mameri long balus tu bai stap gut," Mista Paki i tok.

Em i tok tenkyu long gavman bilong Australia i sapatim ea transport sekta long PNG wantaim dispela nupela moden a i s e s e n program.

## Lelang lonsim Koalisen Rifom Pati long Kimbe

WES Nu Biten Provins i putim mak insait long Politikal histori taim ol i lonsim namba wan Politikal Pati bilong ol, Koalisen Rifom Pati long Fraide 24 Februari long Kimbe.

Dispela bung bilong tokaut long Pati i kamap long wankain taim ol i endosim 24 kendidet bilong wan wan Provins insait long Papua Niugini wantaim Pati Founda na lida Joseph Lelang, husat i memba bilong Kandrian Gloucester.

Namel long dispela 24 kendidet, 2-pela em ol meri.

Het tok bilong dispela bung em "Taim bilong Yumi," we pati i laik brukim rekot long muvim kantri



Joseph Lelang

i go long arapela level bihain long skelim sistem bilong Gavman na givim sampela wei long kamapim rifom.

Wok bilong lida olsem polisi meka em impoten tru long save long wanem wok bai ol i mekim aninit long lo.

"Olsem lida bilong ol pipell, yu mas givim daireksen long sait bilong legislesen na pawa bilong kantri," Lelang i tok.

Em i tok olsem, nau em i taim bilong Papua Niugini long welkam long ol senis na wok long kamapim gutpela wok developmen insait long kantri.

"Yumi mas gat strongpela tingting bilong wisdom long go

pas wantaim gutpela lukluk na senis olsem lida," em i tok.

Ol pati kendidet i kamap wantaim pletfom we i sut long sastenabel egrikalsa, liklik na bikpela entaprais polisi na politikal & palimenter i stabiliti long gavman rifom, edukesen, helt na polisi we bai lukluk long yut na anemploimen hevi.

Em i tok olsem yumi wok long bungim sosiel krais insait long kantri na mas hariap long stretim, nogut yumi lusim ol tum-buna pasin na graun bilong yumi olsem na ol pipel mas wok bung long kamapim developmen.

## UNDP bai trenim 50 meri long sanap long ileksen

NAMBA bilong ol meri husat bai sanap long dispela ileksen em i planti tasol 50 bai kisim wanpela spesel trening long Yuanitet Nesen Developmen Program (UNDP).

UNDP bai skulim dispela 50 meri long wanpela trening we ol bai kisim long wanpela wik long lainim pasin bilong palamen.

Planti meri, husat bai sanap long ileksen long dispela yia, i bin aplai tasol UNDP i kisim dispela 50 tasol.

Ol bai kisim trenim long ol bikpela samting long gavman olsem ol samting bilong gavman

polisi, palamentri proses, kempen plen na arapela samting bilong kamap lida.

Dispela trening bai kamap long Mas 6 i go inap 13 long Pot Mosbi.

UNDP i tok ol planti manmeri long PNG i no save makim meri i kamap lida long Palamen.

Long dispela Palamen, i gat tripela meri tasol i stap.

UNDP i tok ol meri i no save gat maus meri bilong ol long Palamen na planti ol meri i no save kisim gutpela lidasip wok long PNG.

UNDP PNG Ekting Residen

Mausmeri, Mis Tracy Vienings, i tok, "UNDP i amamas long sapatim ol meri i save long wanem samting ol lida i save mekim long palamen. Dispela em i namba 2 taim UNDP i givim dispela trening."

Planti meri i aplai long kisim dispela trening na dispela i soim olsem planti meri i redi long kam aut na sanap long politiks na sevim kantri.

Ol dispela kain meri husat i laik sanap na kamap lida em ol save meri na meri bilong mekim bikpela wok, ol mama long ples,

na arapela ol strongpela meri husat i laik kamap lida tru.

Dispela trening bai helpim ol meri long redim ol yet long sanap long 2017 Nesenel Ileksen.

"Dispela trening bai kirapim save bilong ol meri. Save bilong mekim kempen long taim bilong ileksen, na long save long sampela ol bikpela gavman polisi bilong kantri.

"Dispela em i wok bilong memba bilong Palamen. Mipela i laik helpim ol meri i kamap memba bilong Palamen," Mis Vienings i tok.

# Gastrointestinal Endoscopy

**Dr Paul Alexander**  
PIH



The word "endoscopy" was used first by Antonin Jean Desormeaux (1815–1894), a urologist from Paris. It

is Philipp Bozzini (1773–1809), however, a German physician born to an aristocratic Italian family, who is credited with the invention of the first endoscope 200 years ago.

Endoscopy means looking inside, and typically refers to looking inside the body for medical reasons using an endoscope, an instrument used to examine the interior of a hollow organ or cavity of the body. Unlike most other medical imaging techniques, endoscopes are inserted directly into the organ.

There are many different types of endoscope, and depending on the site in the body and the type of procedure, endoscopy may be performed by a doctor or a surgeon, and the patient may be fully conscious or anaesthetised. Most often the term endoscopy is used to refer to an examination of the upper part of the gastrointestinal tract, known as an esophagogastroduodenoscopy.



**Gastroenterologists and hepatologists diagnose and treat disorders of the pancreas, liver, gallbladder, esophagus, stomach, small intestine and colon.**

A health care provider may use endoscopy for any of the following:

- investigation of symptoms, such as symptoms in the digestive system including nausea, vomiting, abdominal pain, difficulty swallowing and gastrointestinal bleeding.
- confirmation of a diagnosis, most commonly by performing a biopsy to check for conditions such as anemia, bleeding, inflammation, and cancers of the digestive system.
- giving treatment, such as cauterization of a bleeding vessel, widening a narrow esophagus, clipping off a polyp or removing a foreign object.
- Health care providers can use endoscopy to review any of the gastrointestinal tract (GI tract):
  - oesophagus, stomach and duodenum (esophagogastroduodenoscopy)
  - small intestine (enteroscopy)
  - large intestine/colon (colonoscopy, sigmoidoscopy)
  - bile duct: endoscopic retrograde cholangiopancreatography (ERCP), duodenoscope-assisted cholangiopancreatography, intraoperative cholangioscopy
  - rectum (rectoscopy) and anus (anoscopy), both also referred to as (proctoscopy)

**Risks:**

The main risks are infection, perforation, or a tear of the stomach or esophagus lining and bleeding. Although perforation generally requires surgery, certain cases may be treated with antibiotics and intravenous fluids. Bleeding may occur at the site of a biopsy or polyp removal. Such typically minor bleeding may simply stop on its own or be controlled by cauterisation. Seldom does surgery become necessary.

Perforation and bleeding are rare during



gastroscopy. Other minor risks include drug reactions and complications related to other diseases the patient may have. Consequently, patients should inform their doctor of all allergic tendencies and medical problems.

Occasionally, the site of the sedative injection may become inflamed and tender for a short time. This is usually not serious and warm compresses for a few days are usually helpful.

While any of these complications may possibly occur, it is good to remember that each of them occurs quite infrequently.

A doctor can further discuss risks with the patient with regard to the particular need for gastroscopy.

The resources include the latest in endoscopic equipment and techniques. Using these minimally invasive procedures, doctors insert tubes through the mouth, nose or rectum to examine and treat problems of the digestive tract.

**After the endoscopy:**

After the procedure the patient will be observed and monitored by a qualified individual in the endoscopy room or a recovery area until a significant portion of the medication has worn off. Occasionally the patient is left with a mild sore throat, which may respond to saline gargles, or chamomile tea. It may last for weeks or not happen at all. The patient may have a feeling of distention from the insufflated air that was used during the procedure. Both problems are mild and fleeting. When fully recovered, the patient will be instructed when to resume their usual diet (probably within a few hours) and will be allowed to be taken home. Where sedation has been used, most facilities mandate that the patient be taken home by another person and

that he or she not drive or handle machinery for the remainder of the day. Patients who have had an endoscopy without sedation are able to leave unassisted.

**Endoscope:**

An endoscope can consist of: a rigid or flexible tube.

a light delivery system to illuminate the organ or object under inspection. The light source is normally outside the body and the light is typically directed via an optical fiber system.

a lens system transmitting the image from the objective lens to the viewer, typically a relay lens system in the case of rigid endoscopes or a bundle of fiber optics in the case of a fiberscope.

an eyepiece. Modern instruments may be videoscopes, with no eyepiece. A camera transmits image to a screen for image capture.

an additional channel to allow entry of medical instruments or manipulators.

The GI endoscopy procedure may be performed in either an outpatient or inpatient setting.

**Colonoscopy:** This procedure enables the doctor to see ulcers, inflamed mucous lining of your intestine, abnormal growths and bleeding in your colon, or large bowel.

**The last word:**

The Gastro Intestinal Endoscopy has thus made correct diagnosis easier and safer and also offers excellent possibilities of treating many diseases.

Trained at the prestigious Christian Medical College (CMC) Vellore, India, Dr. Paul is an accomplished academician. He is the consultant general and trauma surgeon at PIH. He is also a Medical Director at PIH. He is an experienced laparoscopic surgeon and the leading endoscopy specialist in PNG.

If you have any further queries or seek more information, you may get in touch with the Pacific International Hospital at Ph No. 7998 8000 or email them at [info@pihpng.com](mailto:info@pihpng.com). Alternatively, you may even visit their new website at [www.pihpng.com](http://www.pihpng.com) and post your queries.



*Gastro-enterologist Specialist from Australia at PIH*

Get treated for all these procedures in PNG itself

- Heart Burn
- Peptic Ulcers
- Colon Polyps (Polypectomy)
- Irritable Bowel Syndrome

*High Quality Gastro-intestinal Endoscopic Procedures for accurate results*

**BOOK NOW**

**CALL US AT 7998 8000 EXT 135**

# Gan i go bek long han bilong polis na ami

**Timon Henry i raitim Long wik i go pinis insait long Puju Kaunsil wod long Talere ol yut i bungim olgeta gan, na givim i go bek long han bilong Polis na Ami.**

Wanpela komyuniti lida Steven Kapo na pes man long givim wanpela strongpela gan we Ami na Polis save holim, AK47 gan i bin givim i go bek tu wantaim ol Gan

old bin wokim wantaim diwai na spia bunara. Insait long dispela kibung Gavana bilong Hela, m Francis Potape i bin go lukluk raun long wanem hap ol givim bek ol gan.

Gavana Potape i tok ol pipel nau i senis na redi long wok bung wantaim Gavman na Developa long egrikalsa, turisim na moa long salim pikinini i

go long skul. Komyuniti lida Steven Kapo i tok planti hap long term provins i gat sevis na yumi bai i go kam na nau i opim bel na tingting bilong yumi bilong senis olgeta.

Kaunsil bilong Puju wod i tok taim gutpela lida i stap bai senis na divelopmen i save kam na dispela i opim rot nau.



Fes Konstabel Lucy Nehemiah bilong Buin polis seksual vailens yunit na Sista Isobel Vilena bilong Meri Seif Haus i sanap klostu long nupela kar bilong Buin Famili Seksual Vaiens Yunit.



Gavana bilong Hela, Francis Potape i sanap lukluk long ol yangpela man bilong pait insait long Hela i bringim ol gan i go bek long han bilong lo man. Poto: Timon Henry

## Tupela Kar bilong Polis mekim wok long Bogenvil

AUSTRALIA i givim tupela kar i go long Bougainville Polis Sevis (BPS) long helpim wok bilong Lo na Jastis sevis insait long Not na Saut Bougainville.

Australia Ai Komisen kaunsela Tim Bryson i givim wanpela kar long Senia Sajen John Popiu na pes konstabel Lucy Nehemiah insait long Buin. Namba tu kar ol i

givim long Inspekta Kingsley Lua long Buka taun.

Dispela tupela kar bai stap wantaim Roial PNG konstabuleri long mekim ol wok olsem Prosikusen na trefik operesen insait long Buka, na famali na seksual vailens yunit insait long Buin.

“Roial PNG konstabuleri (RPNGC) Asisten

komisina na deputi Sif bilong (BPS), Joanne Clarkson i tok hama mas na tok tenkyu tru long donesen bilong tupela kar.”

“Wantaim transpot, wok bai isi tru long go lukim ol famali na seksual vailens, na mekim awenes long ol dispela hevi,” Mis Clarkson i tok.

Mista Tim Bryson i

tok olsem ki objektive bilong Australia insait long Bougainville, wantaim gavman bilong PNG em; stabiliti we bai helpim ikonomi long gro.

Mista Bryson i tok, “Dispela tupela kar bai helpim long mekim gutpela senis insait long polis na Jastis Sevis we bai kamapim stability.”



People connecting Business People



# PNG Air

CENTRAL RESERVATIONS

Phone: + 675 7222 2151 | Fax: + 675 325 4867  
TOLL FREE NUMBER 16111 | Email: reservations@pngair.com.pg

# X-re masin bilong Yagaum Helt Senta helpim Madang komyuniti

## ...taim Modilon masin bagarap



Ol sikman i lain long go wokim x-rei sekap long Yagaum Luteran Helt Senta long Saut Ambenob eria long Madang. Foto: James G. Kila i raitim

James G. Kila i raitim

**X-RE masin bilong Yagaum Luteran Helt Senta long Saut Ambenob LLG long Madang i wok long givim gutpela sapot na helpim stret long ol pipel bilong Madang bihain lo X-re masin bilong bikpela Modilon Haus sik i bin bagarap.**

Ripot *Wantok Niuspepa* i kisim i tokaut olsem X-re masin bilong soim piksa bilong bodi taim bun i bruk o piksa long bros na arapela hap bilong bodi long Modilon Haus sik i bin bagarap long las mun. Taim dispela hevi i bin kamap ol manmeri husat i nidim dispela sevis i bin kisim kar na PMV na i go long Amele eria long Yagaum helt senta long long kisim X-re bilong ol.

Plantu ol lain bilong Madang taun i amamas tru long gutpela medikal sevis Yagaum Helt Senta i

givim long kisim ol x-re poto yusim masin long hap.

*Wantok Niuspepa* i bin traime kisim toktok bilong Sif Eksekutiv Opisa bilong Modilon Jeneral Haus sik, tasol no gat gutpela bekim i kam. Tasol wanpela senia nening opisa long Modilon Jeneral Haus sik i tokaut olsem x-re masin bilong haus sik i wok long bungim ol hevi long teknikal sait bilong en long stat bilong las mun.

Dispela medikal opisa, husat i no laik long kolim nem bilong em i tok, X-re masin long Modilon Jeneral Haus sik i save stop long wok planti taim bikos no gat gutpela mentenens na tu masin i save mekim wok long sevim planti ol lain peisen tru long provins.

Em i tok tu olsem Modilon Hausik menesmen long sampela taim i go pinis i kamapim wanpela

lo o polisi olsem X-re masin long hap bai wok long sevim ol sik pipel we i stap insait long haus sik na ol imejensi keis tasol.

Em i tokaut tu olsem Modilon Haus sik i stop long wokim X-re bilong ol praivet klinik na tu ol ol lain husat i laikim medikal sekap long kisim wok long ol kampani.

Human Risos opisa bilong Ramu NiCo Menesmen (MCC, Mis Kavata i bin tokaut olsem ol nupela lain kampani i laikim kisim ol long wok na nidim X-re ripot bilong ol em ol i save go long Yagaum Luteran Helt Senta na wokim X-re ripot bilong ol.

Long las wik Fonde, Mis Kavata i bin bringim tupela aplikent bilong Ramu NiCo i go antap long Yagaum Luteran Helt Senta, na ol i mekim X-re long hap na em i tok sevis bilong Yagaum em gutpela tru.

## St Therese Praimeri yusim TFF edministresen mani long baim lening metiral

Paul Zuvani i raitim

ST THERESE Praimeri Skul long Nesenel Kapitel Distrik i yusim K14,000 mani bilong tiusen fi fri (TFF) komponen long baim lening metiral las wik.

St Therese skul het tisa Christine Tsuga i tok skul i no kisim yet TFF Karikulum na Risos Metiral komponen yet bilong baim ol samting.

Em i askim we dispela ol samting i stap bihain long Dipatmen i sainim K90 milien kontrak wantaim tupela kampani, Tokiwa Ltd and MH Ltd long givim aut dispela ol lening metiral.

Em i tok ol skul i stat pinis tasol i no kisim yet ol lening metiral.

Dispela ol metiral bai helpim ol tisa long tis na ol sumatin long lain gut.

St Therese Praimeri Skul i namba tri skul long NCD long dispela yia long kisim kain ol metiral bihain long Koiari Pak na Boreboa long dispela yia.

Bod Siameri Eileen Lala i tok dispela em i no tiusen fi fri (TFF) skul komponen we Edukesen Dipatmen i givim mani long em long dispela yia.

Em i tok dispela mani Dipatmen i tok i no go yet long skul.

Em i tok wok bilong Gavman i givim mani long Treid Pasifik long givim samting

long ol skul i pinis bihain long 2014 na 2015.

Ken Raga, sinia menesa bilong Treid Pasifik i tok long 2016 kampani i stat long wok wantaim wan wan skul long mekim oda na givim mani we kampani i ken givim aut ol skul lening metiriel long ol skul.

Wantaim kampani em ol Edukesen opisa long Nesenel Dipatmen, Nesenel Kapitel Distrik na sampela papamama i kamap long lukim.

Tasol long taim bilong kisim sumatin bai sain wantaim ol papamama long soim em i tru ol skul i kisim dispela ol samting pinis.

Homoka Boge husat i skul apoinmen na kodinesen dairekta long Edukesen divisen bilong Nesenel Kapitel Distrik i tok TFF skul metiriel komponen i wanpela bikpela hap bilong polisi long kamapim kwaliti edukesen.

Em i tok taim dispela komponen i nogat, planti ol sumatin i no inap lain gut.

“Papua Niugini i laikim so-saiti we ol i save long rit na rait,” Boge i tok.

“Mipela i laik dispela i mas kamap na Dipatmen i wok hat long em yet.

“Inap olsem tu (2) milien mangi i stap pinis long skul.

“Dispela em bikpela namba i winim namba bilong ol manmeri long sampela Pasifik Ailan kantri.

## PNGCLA redim ol midia long bikpela miting

Josiah Ururu Kana i raitim

PNG Kristen Lida Alaiens (PNGCLA) long HiV na AIDS i holim namba wan HIV midia woksop long Tunde 21 Februeri long Pot Mosbi dispela woksop o trening em bilong redim ol nius ripota long bikpela miting bilong ol sios lida bai kamap long de 15 na 16 Mas 2017 long Pot Mosbi.

Long dispela hap de woksop long las wik, i bin gat ol niuspepa jenelis wantaim redio na televisen i bin kamap long opis bilong Nesenel Aids Kaunsil long kisim tok skul bilong ol kain toktok ol i mas yusim long taim ol i raitim ol ripot na nius bi-

long ol pipel husat i gat hevi i kamap long HIV na AIDS na ol lain husat i stap long ol kain laipstail we inap long ol i ken kisim dispela sik.

Program Menesa bilong PNGCLA, Andrew Hama wantaim tupela konsalten bilong Nesenel AIDS Kaunsil nau i stap wantaim PNGCLA, Freedah Taimbari na Margaret Sepi i bin helpim long ranim dispela trening sesen bilong ol jenelis kodov etiks na ol bikpela tok save. Dispela tupela de samit o miting bilong ol sios lida bai kamap long mun Mas.

Dispela miting bai lukim ol memba sios bilong PNGCLA lida bai kam long olgeta

hap bilong kantri ol bai bung long Stanley Hotel long Waigani, NCD. Ol dispela lida bai lainim wanem kain wok ol i gat long kamapim gutpela sindaun bilong ol lain husat i kisim hevi long sik HIV na AIDS binatang na tu long ol lain we i gat bikpela sans long kisim dispela sik bikos long ol kain laip ol i stap long en.

Ol lain olsem ol man husat i save slip wantaim narapela man yet o meri wantaim narapela meri na ol meri husat i save slip wantaim kain kain man o salim bodi long kisim mani, na tu ol lain husat i save stap long pasin bilong jenda bes vailens we ol inap long

kisim sik isi. Samit bai lukluk tu long ol narapela hevi we i save kamap long ol dispela taget manmeri.

Pasto Daniel Hewali, namba tu siaman bilong PNGCLA na Senia Pasto bilong Agape Intedinominesen sios, i bin tok long bikpela wok ol nius ripota i gat long tokaut stret long ol nius ol i mekim.

“Yupela midia i gat bikpela wok tru long bringim toktok i go long ol sios lida na ol pablik olsem na ol hap tok yupela i mas yusim em yupela i mas ske- lim gut na yusim o putim aut. Yupela i mas kisim gut as bilong toktok pastaim long yupela i putim aut long pablik,” Pasto Hewali i tok.



Ol sumatin na skul metiriel bilong ol wantaim tisa, papamama, tisa, Treid Prin na Edukesen opisa i sanap na kisim poto.

Foto: Paul Zuvani

# Tambul-Neblyer sumatin i kisim skul fi helpim

**MOA long 60 sumatin bilong Tambul-Neblyer distrik insait long Westen Ailans Provins husat i save skul long ol bikpela Koles na Yunivesiti long Madang Provins i bin kisim skul fi helpim long wanpela foma UN wikman na bisnisman, Gabriel Andandi.**

Long las wiken, Sande Februeri 19, 2017 Mista Andandi i bin bung wantaim moa long 60 sumatin long Tambul-Neblyer husat i skul long Divine Word Yunivesiti, Madang Tisa Koles, Teknikel Koles, Madang Paramedik, Madang skul ov Nesing, Karkar skul ov Nesing, na ol arapela institusenel i kisim moa long k50,000.00 long helpim ol long skul fi.

"Long taim mi bin kamap tisa, mi lukim planti sumatin i drop aut long skul so taim mi wok wantaim Yunaitet Nesens (UN), mi tingting long helpim ol sumatin we ol i no gat sans long long wanem, planti

papa na mama save painim hat long baim skul fi,"

"Mi laik lukim planti long ol yut bilong yumi long Tambul Neblyer i kamap Pilot, Dokta, akaunten, enginia, tisa, na ol arapela wok tu," Mista Andandi i tok.

Mista Andandi i lonsim tu tinting bilong baim skul fi bilong wanwan sumatin na ol sumatin wantaim papamama bilong ol husat i bin stap long dispela taim i tingting olsem dispela wok bai i go het long arapela yia bihain.

Em i tok tu olsem Tambul Neblyer ilektoreit em wanpela pua ilektoreit insait long kantri we i no gat risos na edukesen em wanpela mas kamap namba wan nau long kamapim Human risos.

Mista Andandi i tok em i stat baim skul fi bilong ol moa long 700 sumatin bilong Tambul Neblyer stat long 1997.

"Long dispela taim, ol dispela



Mista Gabriel Andandi, sindaun long namel wantaim sampela ol sumatin we em i sponsaim.

700 sumatin i kamap akaunten, dokta, loiya na Jenelis. Mi tagetim 300 sumatin long dispela yia tasol luk olsem namba bai i go antap yet bihain long mi go lukim ol sumatin bilong Lae, Madang, Wewak, Rabaul na ol arapela Provins.

Ol skul we i stap long taget nau em Divine Word Yunivesiti, Madang Tisa Koles, Madang Paramedik, Madang skul ov Nesing, Karkar skul ov Nesing, UNITECH, Balob Tisa Koles, Lae Politek,

Simbu tisa Koles, Jiwaka tisa Koles, Holi trinita tisa Koles, Dauli tisa Koles, Kokopo bisnis Koles, Kabeleo tisa Koles, Yunivesiti bilong Nesorol risos, UPNG, Pasifik Ed-ventis Yunivesiti, Don Bosko-Pom na ol arapela," em i tok.

Mista Andandi i gat strongpela tingting long saptim moa long 300 sumatin bilong Tambul Neblyer long enrol i go insait long ol bikpela skul Ina em i ken apim namba i go nap olsem 1000 long

olgeta skul insat long kantri.

"Ol sumatin we mi helpim em ol HECAS na Self sponsa bikos mi laik strongim ol long givim helpim wok developmen bilong kantri, na long helpim ol long wanwan laip bilong ol," mista Andandi i tok.

Mista Andandi em i wok long lukluk raun long wan wan institusen insait long kantri long bungim olgeta sumatin bilong distrik na helpim ol.

## Krused i kamap long Mt Zion Lae

**Paulus Tali I raitim**

WANPELA krused bilong Bodi ov Krai i bin kamap long Mt. Zion long kapiak strit we i lukim moa manmeri bin kamap long stat long Januari 22 i go Februari 5, 2017.

Long dispela taim ol pasto i go pas long Krused Pasto Amos Bomo na Pasto Dulan Zuran na ol evanjelis i bihanim Het tok long 2 Korin 12-14.

Bodi of Krai siaman, Roy Miringke, na arapela ol pasto insait long wod wan olgeta ol i givim saptot wantaim mani na kaikai na tu saptotim ol wokman long ol go het long autim Tok bilong God. Em i namba wan taim long kain wok bung namel long arapela sios long autim tok insait long Setelmen



Roy Miringke, Siaman bilong Bodi ov Krai long Lae.

long daunim kain kain hevi.

I gat moa hevi long dispela hap olsem na arapela sios kam wok bung long saptotim Luteran na autim tok bilong God long manmeri. Ol i sin-

gaut long Morobe Provinsal Gavman olsem Gavana Kelly Naru na Lae Open Memba Louzia Kouza long ol i mas kamdaun wok wantaim long daunim hevi na bringim bel isi na yuniti namel long ol manmeri bilong God.

Siaman Miringke i singaut long tupela lida mas kam daun. Singaut em stap pinis long Lae Open Memba, Louzia Kouza long kam daun na daunim hevi insait long Lae siti.

"Singaut yu bin kisim longpela taim pinis tasol yu no bin kam, nau em taim bipo long ileksen yu mas mekim samting namel long ol pipel long Lae Siti tu em ol pipel

bilong God," Mista Miringke i tok.

Long taim bilong pasim krused Reveren Elyamas Bakung, Seketeri bilong Evanjelisim Dipatmen bilong Evanjelikel Luteran Sios i bin kamap na em i tok amamas long lukim kain wokmisiin tupela pasto na ol evanjelis i wokbung long kamapim Krused.

Em i tok, "Salens bilong mi long yupela wokman bilong sios em yupela i no ken slip. Bikpela samting yu mas wokim autris na tokaut long tok bilong God long dispela bai yumi kisim ol sol kam insait long sios bilong God."

Rev. Elymas Bakung i tok tenkyu long Roy Miringke, Siaman bilong Bodi ov Krai long salensim gavman bilong Morobe long mas kam daun na wok klostu wantaim sios long kamapim bel isi na wanbel pasin.

## ELCPNG 500 Yia Eniveseri bilong Rifomesen awenes

**Paulus Tali I raitim**

NESENOL Ivens Kodineta bilong Evanjelikal Luteran Sios, (ELCPNG), Roy Miringke wantaim Siaman Reveren Wesley Kerenga na tim bilong em nau lukluk long wokabout bilong sios long nau i go kamap long Oktoba 31, 2017 we bai ol Luteran Kristen i luksave na selebretim moa long 500 yia bilong rifomesen.

Mista Miringke na Pasto Kerenga i tok dispela taim em bilong tingim ol toktok na ol samting i bin kamap long taim Dokta Martin Luther husat i kam aut long Katolik sios na Luteran sios i kirap. Selebresen bai kamap aninit long het tok "Liberated by Grace to serve" o Kamap Fri wantaim Mari-mari bilong God long mekim wok.

Mista Miringke, na Rev. Wesley Kerenga i tokim Wantok nius olsem dispela awenes i laik bringim tingting bilong rifomesen bin stat long 1517 i kam inap nau 2017. Nau em i 500 yia olgeta na ol Kristen aninit long nem Luteran sios em moa 66 milien na arapela Kristen long wol bai selebretim dispela de.

Las yia 2016 ol Luteran Kristen insait long ELCPNG i bin selebretim 130 yia bilong wok gutnius insait long Papua Niugini na 40 yias olsem wanpela sios i sanap em yet (autonomos sios). Long dispela pasin sios i laik soim olsem ol Kristen Bilong ELCPNG i sanap long strong bilong ol yet aninit long het tok, De Bilong Mi, Taim Bilong Mi Na Sios Bilong Mi. "Mi yet laik sanap, God helpim mi nau Luteran yumi sanap long displa mak." Roy Miringke na Pasto Kerenga i tok.

Long las yia 2016, wanpela lonsing bilong 4-pela spesel Projek bilong tingtim dispela de na mekim sampela senis bilong gutpela bilong sios i kamap. Ol institusen bilong ELCPNG wantaim ol Luteran Sumatin na Staff bilong ol institusen insait long Lae Siti i bin ogenaisim Refomesen Sande bung long Balob Tisa Koles na lonsing i bin kamap long dispela taim.

Ol 4-pela projek ol events komiti i laik askim ol wan wan distrik long wokim em bilong stretim gut ol haus lotu na ol haus bilong ol pasto, Klinim na stretim gut ol yad bilong ol haus lotu na wokim Luta Rose, wokim ol monumen long tingim namba wan taim gutnius i kamap long distrik bilong ol, na askim olgeta wan wan Kristen Memba long putim wan kina (K1) olsem ofa bilong ol.

## Kepten bilong elementri 2 salensim ol wan lain bilong em

**Paulus Tali I raitim**

Brian Kapio Bakung i gat 10-pela Krismas, em i wanpela mangi husat i save harim tok bilong papamama na famili long haus na ol tisa bilong em. Em i save stap isi long haus na givim taim long prea long laip bilong em na em lukim kaikai bilong daun pasin na laikim bilong em long arapela na famili. Long 2016 em i stap long

elementri 2 na i kamap kepten. Het tisa Michael Urari i makim em kepten long pasin bilong em. Long klas oltaim em save tok Inglis na Michael Urari i tok dispela kain mangi mipela ol tisa i save laikim tumas we em inap long mekim nem bilong Balob Luteran Elementeri i go long Busu Sekenderi. Long taim bilong kisim presen em i no bilip olsem

bai em kisim tasol em i go antap na long dispela em mekim moa amamas long em yet na long famili na ol tenkyu i go long God Papa long lukautim em long skul wok bilong em.

Brian Kapio Bakung i tok salens i go long arapela ol sumatin long kam daun long kain pasin bai yumi olgeta inap kamap gutpela long skul wok bilong yumi.



# Taim bilong skelim ol wok wan wan memba i bin mekim

**TAIM** bilong Nesenel ileksen i kamap klostu nau na yumi wok long lukim ol memba bilong Palamen i kamap long nius long soim pablik wanem samting ol i mekim insait long faivpela yia ol i bin stap memba.


Planti bilong ol i soim ol nupela opis na haus na klasrum na ol rot na bris na haus sik na ol kar ol i bin baim o wokim long mani bilong ilektoret aninit long distrik impruvmen program fan.

Ol dispela ilektoret husat i gat ol gutpela memba i amamas long gutpela helpim memba i givim ol. Ol i ken skelim na ol yet i save sapos lida i mekim tru wok bilong em long faivpela o em i kamap ples klia nau tasol long grisim ol pipel long votim em gen.

Long ol ilektoret we memba i save yusim gut mani bilong helpim ol pipel oltaim, i gat gutpela sapot i stap pinis na em i no inap long wari tumas long taim bilong kempen.

I gat ol kempen wok i stat pinis long planti hap bilong kantri. Sampela i kamap ples klia, sampela i hait aninit long nem bilong sevis. Tasol ol pipel i klia na i ken luksave long ol dispela samting.

Palamen bai i sindaun long kibung bilong en long pinis bilong dispela mun, Mas. Dispela kibung bai i las miting tu bilong laip bilong dispela palamen. Bihain long en, bai ol memba i goaut na kempen



na resis wantaim ol rapela kendidet long winim bek sia bilong ol.

Mak bilong nominesen fi tu i go anap long K10,000 pinis na i luk olsem namba bilong ol kendidet bai i no inap planti tumas olsem yumi save lukim bipo.

Kain mani olsem i antap tumas na planti pipel bai i no inap painim kain mani olsem long putim.

Ol wok redi bilong ileksen i wok

long kamap gut na wanpela bikpela wok em long sekap long nem i stap long ilektoral rol. Planti pipel i save komplem long taim bilong vot na ol i no painim nem bilong ol long komon rol.

I kam inap nau, ol wokman bilong ilektoral Komisn i wok long stretim ol askim bilong ol lain long provins na long het opis tu long Mosbi. Yumi olgeta i save olsem wok bilong ranim nesenel ileksen

em i bikpela hatwok tru.

Ol wok bai kamap gu sapos wan wan seksen bilong ilektoral Komisn na ol lain husat i mekim ol liklik wok bilong en, na ol lain husat i mekim volantia wok, i wanbel na i wok wantaim bel isi.

I gat sampela lain i save yusim kain bikpela wok olsem long kisim mani. Sapos i no gat mani bai ol i pairap na stopim wok na givim bikpela hetpen tru long wok bi-

long ileksen.

Wok bilong sekyuriti long dispela taim em wanpela bikpela wok tru. Ol polis, ami na woda i redi nau long go helpim ol opisa bilong ilektoral Komisn. Ol lida i bung long dispela wik long toktok na redi nau long kirapim wok.

I gat planti tingting bai kamap long sefti bilong ol opisa na ol pablik tu long ol ples we i gat traibel pait i save kamap oltaim. Tude ol wanpisa i holim ol strongpela faktori gan na han bom na ol arapela samting bilong pait egen-sim ol birua.

Long sampela hap long Hela, ol pipel i bin givim ol dispela samting i go long han bilong ol polis na ami pinis. Tasol i gat planti hap we ol pipel i holim yet ol dispela samting nogut bilong kilim man.

Ol kain ples olsem i nidim ol gutpela na stretpela lida husat i luksave long ol hevi insait long ilektoret na inap long kamapim gutpela senis we i ken senisim pasin na tingting bilong ol pipel.

Sampela ol pipel i tok ol i nidim edukesen, na gutpela helt sevis na gutpela rot bilong kamapim mani long helpim sindaun bilong famili.

Ating sapos i gat ol dispela samting long wan wan distrik, bai yumi lukim sampela gutpela senis i kamap long komyuniti.

Ol memba i stap inap faivpela yia pinis na ol i klia long nid bilong wan wan ilektoret bilong ol.

## Mekim sait wok long strongim yu yet

MIPELA olgeta o planti bilong mipela i save laip long siti na sampela hap bilong rurel ples i hat long stap.

Wanpela bai painim prais bilong ol samting long stua na sevis i wok long go antap na i luk olsem no gat pinis bilong dispela.

Olgeta wik stua kipa bai putim wanpela 50 toea o K1 i go antap long ol guds bilong em long wik i go pinis.

Sapos dispela i rais, tin-pis o sop bilong waswas prais i go antap yet. Sas bilong ron long PMV, balus o sip i wankain, go antap olgeta taim.

Sapos dispela i olsem wanpela i mas mekim sampela kain wok long bungim hevi bilong sas o long



sapotim em yet.

Long stat sapos yu stap long taun o siti na yu gat spes o graun long sait bilong haus, yu em mipela i tok i laki.

Yu ken tanim dispela hap graun na planim kumu olsem kapis, aupa o aibika long helpim yu yet. Olsem yu no ken go long maket long yusim mani gen. O sapos yu gat bikpela hap graun yu ken planim kaukau o banana.

Dispela ol samting bai kisim taim long gro na redi

bipo long yu kisim na kaikai. Tasol sapos yu tingting gut, ol bai helpim yu gut bikos i gat taim, yu bai laikim gaden kaikai o yu no gat inap mani long baim kaikai long stua, dispela ol samting bai helpim yu.

Sapos yu man o meri bilong mekim liklik maket long sait bilong haus na stap arere long rot, yu ken kukim kaikai na salim bai ol manmeri i baim.

Kukim na salim ol kaikai olsem donat, skon, pop kon, senwis (sandwich), kaukau, taro, banana o kon.

Dispela em ol sampela rot bilong wanpela i ken mekim ol samting long taun o siti long kisim mani.

Long rurel ples planti taim wanpela i no inap

yusim mani long stap tasol i gat taim em bai laikim mani.

Long abus wanpela i ken go long solwara na painim pis o go long bus long painim mumut o welpik long kisim na kaikai.

Sapos wanpela i gat planti kaikai em i ken salim long maket na kisim mani long dispela.

Wanpela i ken salim gaden kaikai long maket long kisim mani o mekim banis kakaruk na pik long salim na kisim mani.

Sampela ples i sot long abus. Long dispela wanpela i ken kamapim banis pik o kakaruk na salim.

Dispela em ol sampela rot bilong mekim mani taim laip long stap long mani i hat.

Published Weekly, Thursday, for Word Publishing Company, Ltd. P.O. Box 1982, Boroko, NCD Papua New Guinea

Telephone: (675) 325 2500 Fax: (675) 325 2579

Email: [editorial@wantokniuspepa.com](mailto:editorial@wantokniuspepa.com)

Pe bilong wanpela yia 52 niuspepa

<b>Ples:</b>	<b>Air:</b>
PNG	K220.00
AUSTRALIA	US\$110.00
ASIA PACIFIC na JAPAN	US\$150.00
AMERICA na EUROPE	US\$210.00

General Manager Elizabeth Konga

Editor Veronica Hatutasi

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general term acceptance are available at Word Publishing Company Ltd and are set out full on the display advertising form.

Dispela malti milien kina bilding projek i bin pinis insait long tupela mun tasol we konstraksen bilong New Century i wokim. Praim Minista Peter O'Niel bai stap long opim dispela bilding long wanem leit Ganasi i bin Pati memba bilong em long taim em i laip yet.



# Saut Flai distik i namba wan long givim DSG ripot

SAUT Flai Distrik insait long Westen Provins i bin namba wan Distrik insait long kantri long givim 2016 ripot bilong Distrik sapot gren (DSG).

Dispela ripot em bilong K250,000 we ol i givim long Dipatmen bilong Implementesen na Rurel Dvelopmen (DIRD) insait long Pot Mosbi long Trinde 22 Februeri 2017.

Distrik i bin gat sans tu long kisim 2016 non-diskrisineri komponent bilong K250,000 sek i kam long DIRD long ai bilong Ekting Distrik Dvelopmen Autoriti Siaman Bolozi lowa na ol pablik seven bilong distrik.

Pastaim Memba bilong Saut Flai na deputi spika Aide Ganasi husat i bin dai pinis long las yia, i bin bungim planti hevi long sait bilong akwitol ripot wantaim Nesanel Gavman long tupela yia i go pinis, inap long taim we trening bilong Sevis Impruvmen progrem (PSIP, DSIP & LLGSIP) bin kamap long 2015 we DIRD i bin ranim.

"Bihain long trening we bin kamap wantaim ol Saut Flai Distrik edministresen long sait bilong kapasiti bilding, Kompailesen na fenising bilong ol akwitol ripot, distrik i bin kamapim gutpela senis long wok bilong raitim ol ripot na long givim aut besik Gavman sevis," DIRD Ekting Sekreteri Paul Sai'i i tok.

Sai'i i tok olsem Saut Flai distrik edministresen i bin stap long bikpela bagarap bipo na akwital bilong ol i save kam leit o i no save kamap tasol dispela nau i senisim stori.

Em i tok olsem, bihain long gutpela trening we dipatmen ranim, distrik edministresen i bin salim ripot long taim we i bihainim toktok i stap insait long Ogenik Lo bilong ol Provinsal na Lokal Level Gavman we olgeta DSG akwitol ripot i mas i go long Gavman long namba wan kwota bilong nupela yia.

Maski DDA Siaman na leit MP i no bin stap long givim distrik akwitol ripot, tupela i bin mekim bikpela wok tru long raitim dispela ripot.

Sai'i i bin mekim tok sori long dai bilong leit Ganasi long kamapim gut bilong DSIP insait long ilektoreit long ol yia i go pinis.

Leit MP i dai long Hat Atek las Novemba. Tasol Long dispela taim, Ol pipel bilong Saut Flai bai soim amamas long Mas 3, long opim Aide Ganasi Faundesen bilding.

Em i bin wanpela gutpela projek we bin Kostim mani mak olsem K5 milien.



Department of National Planning and Monitoring



# 2017 PLANNING EXPO

**RESPONSIBLE, SUSTAINABLE DEVELOPMENT; What's in it for ME**

1 DAY, 30 EXHIBITORS, EXCLUSIVE INFORMATION

**10th MARCH, 8:30am - 4pm**  
**SIR JOHN GUISE INDOOR STADIUM**

We will be launching the PNGSDS, M&E Framework, Presentations by National Planning & Monitoring and it's partners and Live performances by Watete and Master Piece.

Gates open at 8:00am **FREE ENTRY!**



**"PNG... EM MI YAH!"**

visit: [www.pngstars.org](http://www.pngstars.org) or [www.planning.gov.pg](http://www.planning.gov.pg)



# Papa wokabaut longpela Bundi rot long painim pikinini meri

Mathew Mabo i statim wokabaut long go painim pikinini meri bilong em.  
Ol poto: James G. Kila



Lapun man i sindaun malolo bihain long longpela wokabaut.



James G. Kila i raitim

**PLANTI ol papa save laikim tru ol pikinini meri bilong ol bikos ol save tok ol pikinini meri i save lukautim gut ol papamama na save mekim gutpela pasin long ol moa long ol pikinini man.**

Dispela em stori bilong wanpela papa husat i wokabaut longpela rot long painim pikinini meri bilong em husat i marit na stap longwe tru long em.

Long las yia long mun Septemba dispela papa, Mathew Mabo bilong Karkum namba-wan viles long Sumgilbar LLG long Sumkar distrik, Madang provins i mekim wanpela kain longpela wokabaut tru bikos long bikpela laik bilong em long lukim stret pikinini meri bilong em.

Mathew Mabo, husat i gat moa long 70 krismas na marit pastaim tasol meri bilong em i dai. Em i gat 6-pela pikinini. Namba wan pikinini man i dai na nau em i gat tripela pikinini meri na tupela pikinini man tasol. Papa em yet i hatwok long lukautim olgeta pikinini bilong em bikos planti i liklik yet na mama i dai lusim ol. Papa Mathew i stori long

Wantok Niuspepa olsem em i sori na wari long pikinini meri bilong em Christina, husat i maritiim wanpela man bilong Bundi na i bin go long ples bilong man bilong em long maunten ples long hailans bilong Madang.

Moa long wanpela yia olgeta lapun Mathew i no bin harim na lukim pes bilong pikinini meri bilong em na bikpela wari i kisim em. Olsem na bihain long em i kisim sampela stori long sampela lain olsem pikinini meri i stap long Bundi, bagaros em yet i lusim ples long nambis long Karkum long go painim pikinini meri.

Mathew i kisim PMV long ples bilong em i go long Madang taun, na long hap em i kalap long narapela PMV gen na ran bihainim Madang-Ramu haiwe i go antap olsem long Yakumbu, na bihain em i slip long rot, na neks de em kalap gen long wanpela sans kar i laik go olsem long Imbrum. Ples ya em sentral ples we i gat mausrot i go long Brahman na rot i go Bundi stesin na go olsem long Yandera na go moa yet long Simbu provins.

Taim em i go kamap long Imbrum maus-rot, no gat

lain i save long em, na turangu i sanap tasol long hap na wetim kar. Sampela lain tu i weit long hap stap, na bihain long sampela taim ol i sori long em na askim em long wanem ples em laik go.

## Gutpela lain Samaritan bungim Mathew

Lapun Mathew i tok taim em stap yet long Imbrum, wanpela meri nasing opisa bilong Brahman i lukim em na sori long em na i askim em long wanem hap em i laik go. Papa Mathew i stori olsem em i laik go olsem long Bundi long painim pikinini meri bilong em. Dispela meri bilong Malala eria i sori long lapun na na tokim em olsem em bai helpim wantaim transpot i go long Brahman. Olsem na meri ya i ringim ambulens bilong Brahman na kar i go kamap na lapun ya kalap wantaim ol sampela arapela lain na ol pulapim spes tu na ol i ran long nait i go kamap long Brahman stesin.

“Mi amamas tru long dispela pikinini nes meri bilong Malala, em kisim mi go long haus bilong em na em kukim kaikai na lukautim mi gut stret” Papa Mathew i tok. Long neks moning ol wokim

ti na givim em kaikai, na bihain em givim em wanpela mani na olgeta i go long maket. Taim em i go long maket, nes meri i bungim sampela lain husat i laik go olsem long Bundi, na em i bringim ol i go long Papa Mathew.

Wanpela long ol dispela lain em wanpela yangpela man Bundi husat i harim stori bilong Papa Mathew, na em tokaut olsem em save long eria pikinini meri bilong Papa Mathew i stap long em, na em save tu long man bilong dispela pikinini meri bilong papa Mathew.

Taim Papa Mathew i harim dispela bel bilong em i amamas stret. Olsem na wantu stret em i go redim beg bilong em na long samt-ing olsem 2-kilok long apinun em i tok tenkyu long nes meri wantaim man bilong em long Brahman na em i go bungim dispela yangpela man na tupela i redi long wokabaut.

## Wokabaut long Brahman i go Bundi

Long samt-ing olsem 2-klok long apinun long Sarere, Mathew wantaim dispela yangpela man i stat wokabaut lusim Brahman stesin na bihainim Bundi rot.

“Mi karim tos bilong mi wantaim sampela paket bisket gutpela nes meri bilong Malala i givim mi na wanpela kontena wara na mipela i wokabaut,” Mathew i stori.

Em i tok olsem dispela yangpela man husat i wokabaut wantaim Papa Mathew tu i soim gutpela pasin na em i no wokabaut hariap. Em bihainim spit bilong lapun ya na tupela i wokabaut na stori na toktok wantaim na go.

“Bundi rot i gat planti ol wara i kamdaun long sait sait bilong maunten na wara i fres na kol stret na mipela no nek drai, mipela kaikai bisket na dring ol fres wara na wokabaut,” Papa Mathew i tok.

Tupela i wokabaut i go i go na long samt-ing olsem 7 klok long nait, tupela i kamap klostu long wanpela wara nem bilong em Binaru. Taim ol i kamap long hap, yangpela man i poin i go long lait i sain daunbilo arere long wara na i tokim papa Mathew olsem ating em haus pikinini meri i stap long en. Tupela i stat wokabaut i go daun olsem long rot i go long arere long wara we lait i sain. Taim tupela i paitim dua,

wanpela i bekim na opim dua. Taim dua i op na lait bilong lam i sut long pes bilong meri opim dua em lapun Mathew i lukim stret pes bilong pikinini meri bilong em stret Christina.

Christina i guria nogut tru. Em i ting tewel i go kamap long haus bilong em long kain nait olsem. Kain kain tingting i kisim em. Wanpela tingting tu em i ting ‘tewel’ o ‘sanguma’ i go kamap, tasol nogat ya, papa Mathew Mabo em man tru na bagaros i brukim maunten, wara na bikpela bus long go painim pikinini meri bilong em.

Maski olsem papa em lapun olsem 75 krismas em i wokabaut longwe rot long painim pikinini meri bilong em. Long taim em i go kamap long em tu papa Mathew i painimaut olsem em i gat narapela tumbunapinis. Christina i gat bebi na bebi i krai na welkam tasol olsem i go kamap seif long ples bilong ol.

Long dispela nait tu taim man bilong Christina i go kamap em i karim bikpela olpis em i kisim long wara Binaru. Gud lak i bin kamap long dispela famili long dispela taim.

# Ol Jeman akiolojis i fri nau long noten Naijeria

OL sekyuriti fos bilong Naijeria i kisim bek tupela akiolojis bilong Jemani bihain long sampela man i bin hensapim na kalabusim ol long ples we ol i bin wok i stap.

Ol dispela tupela man i kamap long Embasi bilong Jemani long Abuja long Sande bihain long dispela hevi i kamap.

Nasir Ahmad El-Rufai, gavvana bilong noten Kaduna, i tok amamas long ol gavman opisa i helpim long kisim bek tupela man bilong Jemani. Em i no tokaut sapos ol i arestim ol lain i bin holim kalabusim dispela tupela man.

Ol ripot i tok ol dispela trabelman i bin askim long

60milien naira pastaim long ol i larim Profesa Peter Breunig na Johannes Behringer i go fri. Ol trabelman i bin holim kalabusim tupela long las wik Trinde klostu long ples Janjala na kisim ol i go insait long bus.

Ol polis i tok ol trabelman i bin sutim tupela man husat i bin traim long helpim ol dispela akiolojis.

Breunig, husat i gat 65 krismas, na Behringer i gat 20 krismas, em ol foapela lain bilong Goethe Yunivesiti long Frankfurt. Ol trabelman i no bin mekim wanpela samting long tupela arapela memba bilong tim, husat em ol meri.

Ol dispela lain bilong Jemani i wok wantaim Nesenel Komisin bilong Musium na Monumen long Naijeria long painim ol tumbuna samting bilong Nok kalsa. Ol dispela lain tumbuna bilong bipo i gat nem long Wes Afrika rijon (nau ol i kolim Naijeria) long wokim ol kaving long terakota.

Pasin bilong holim kalabusim ol man na askim long mani em i wanpela bikpela samting long Naijeria. Ol i save holim ol manmeri na ol skul pikinini na ol ovasis manmeri. Ol dispela trabelman i save larim ol pipel i go fri long taim ol i kisim mani ol i askim long en.



Tupela meri i abrusim ples we ol akiolojis i wok long en. Sampela lain i bin hensapim ol akiolojis bilong Jemani na holim kalabusim ol klostu long ples Janjala.

## Strongpela posin tru i kilim Kim Jong-nam

HELT Minista bilong Malesia i tok mak bilong posin ol i givim long Kim Jong-nam, i bin strong tru na i kilim em i dai insait long 15 o 20 minit. Jong-nam em i hap brata bilong lida bilong Not Korea, Kim Jong-un.

Kim Jong-nam i bin dai long 13 Februeri long Kuala Lumpur ples balus bihain long ol lain i bin putim posin ol i kolim VX, long pes bilong em. I gat bikpela tambu i stap long dispela kemikal posin na UN i putim aninit long ol weapon of mass destruction.

Subramaniam Sathasivam i tok long Sande olsem mak bilong dispela posin VX ol i rabim long pes bilong Kim i antap tru na inap long bagarapim ol arapela samting tu i pas long en.

"Sapos 10mg VX i go insait long bodi bilong man bai inap kilim em olsem na mi ting ol i mas apim mak bilong posin ol i bin givim," em i bin tok long

nius konprens.

"Mak bilong posin i antap tru na i wok hariap long bodi."

Ol ripoa i askim long wanem taim Kim i dai bihain long dispela posin i go insait long bodi bilong em na, Subramaniam i tok, "Mi ting long taim posin i pas long em inap em taim em i dai em inap long 15-20 minit samting."

Gavman bilong Malesia i tokaut olsem ol pablik i no ken wari long raun insait long ples balus bikos ol i sekap na klinim gut tru olgeta hap we ol lain i bin putim posin long pes bilong Kim.

Polis forensik tim wantaim paia dipatmen na atomik laisensing bod i sekap na klinim baset terminal long Kuala Lumpur intenesenel ples balus long 1 klok moning long 26 Februeri.

Piksa em sekyuriti kamera i bin kisim i soim dispela taim tupela meri i bin kam

long baksait bilong Kim na pasim pes bilong em long hap laplap em ol i ting i gat dispela posin long en.

Ol arapela piksa i soim Kim i askim ol opisa long ples balus long helpim em na em i wok long rabim ai na i no wokabaut stret long taim em i go insait long klinik long ples balus.

Ol polis i holim wanpela meri Indonesia na wanpela meri Vietnam wantaim wanpela man Not Korea.

Ol i tok i gat 7-pela saspek bilong Not Korea tasol foapela bilong ol i go bek pinis long Not Korea.

Ol polis i wok long sekaptu long ol arapela ples long Kuala Lumpur we ol dispela saspek i bin stap.

Dispela saspek bilong Indonesia, Siti Aishah, i wok long sik nau na ol polis i tok dispela posin i mas mekim em i sik. Ol dokta i wok long wokim test nau long lukim sapos i tru olsem dispela posin i mekim em i sik.

## Syria stopim paspot bilong ol White Helmet



Ol sivil difens volantia bilong Syria, ol i kolim White Helmets, i wok long painim ol manmeri i kisim bagarap bihain long balus i dropim bom.

WANPELA kameraman bilong Syria na wanpela woka husat i bin wokim wanpela dokumentri piksa bilong sivil difens grup ol i kolim White Helmets, i no inap go long Amerika long bung bilong givimaut ol awod ol i kolim Oscar, bikos gavman bilong Syria i stopim paspot bilong ol. Dispela muvi bilong ol i winim nominesen long kisim wanpela awod.

Dispela grup, White Helmets, i gat volantia embulens sevis bilong helpim ol pipel long eria we rebel paitman i holim long Syria. Dispea eria i kisim taim tru long o bom balus bilong Rasia i

dropim long dispela sivil woa nau i bagarapim tru kantri.

Ol i nominetim muvi bilong ol long sotpela subjek dokumenteri lista bilong ol Oscar awod. Dispela muvi i soim wanem samting ol lain White Helmet volantia i save mekim long olgeta de long sevim ol pipel husat i kisim bagarap long dispela woa.

Gavman bilong Syria, aninit long Presiden Bashar al-Assad i sutim tok long dispela grup na tok ol i sapatim al-Qaida na i wok long kisim ol giaman piksa bihain long balus i dropim bom long mekim ol giaman toktok.

Tasol ol White Helmet i tok ol dispela toktok bilong gavman em i no tru.

Tupela bilong ol dispela woka, lida bilong ol, Raed Saleh na Khaled Khatib husat i kameraman, i bin kisim visa bilong USA long go long Amerika na stap insait long stap dispela sere moni bilong givimaut ol Oscar awod long Sande nait.

Tasol ol White Helmet i tokaut olsem Saleh bai i no inap long lusim wok bilong em bikos ol balus i wok long dropim moa bom, na Khatib i no inap go bikos gavman bilong Syria i kenselim paspot bilong em.



Ol savemen bilong forensiks i sekap na klinim ples insait long Kuala Lumpur intenesenel ples balus.

STORI BILONG TUMBUNA

Aul pisin kaikai mangi wantaim mama bilong em

Wanpela man na meri bilong em i stap insait long bikbus. Ol i gat wanpela pikinini man. Bihain man ya i dai taim pikinini bilong em bin gat 4 pela krismas tasol. Nem bilong mama em Pinto na nem bilong pikinini em Mali. Pipel long kain kain ples i kamap long lukim tupela, na givim tupela kaikai. Sampela i save slip wantaim tupela long sampela nait, bihain go bek long ples bilong ol. Wanpela de, taim san i go daun, wanpela man bilong longwe ples i bin kam long lukim tupela. Nem bilong man, Torao. Ol i toktok wantaim em na welkam em long ples bilong ol. Torao stap long wanpela wik na tokim mama na pikinini man. "Bai gat bikpela kaikai long ples bilong mi. Mi askim yu-tupela sapos yutupela i ken kam olsem spesel gest bilong mi long dispela kaikai." "Yes em orait long mitupela," Pinto i tok.

Torao i makim taim bilong mekim bikpela kaikai. Bihain em i tok gut bai long tupela na go bek long ples bilong em. Klostu taim bilong kaikai i kam klostu, Pinito na Mali pekim ol samting bilong tupela na i go long ples bilong mekim kaikai. Ol i wokaut na wokaut. Ol i wokabout aninit long lip bilong diwai, na wokabout aninit long hat san. Namel long rot, tupela stop long dring wara long wanpela han wara na olgeta taim, liklik boi i save ranim ol naispela bataflai. Klostu taim san i go daun, na tupela pilim tait stret. Pinto tokim pikinini man bilong em "Yumi mas malolo liklik na slip long hia. Tumora bai yumi go yet long wokabout bilong mitupela." Mun i wok long kamap antap nau na sain long bik bus. "Dispela hap aninit long bikpela diwai em wanpela gutpela hap stret long slip

nau nait," Mali i tok. Tupela i sindaun na kaikai yam bilong tupela bihain long ol i slip. Taim ol i redi long slip, ol i harim wanpela pisin aul i singaut antap long tupela. "Rung rung, rung, rung." "Pasim maus. Yu bikpela raun ai, wai yu wok long disteb?" Mali i singaut. "Rung rung, rung, rung." "Go longwe o mi bai sutim yu long ol dispela ston." Em i sanap, na singaut antap long aul. Aul i stop, na bihain long sampela minit arapela aul i plai i kam long poroman bilong em na sindaun long han bilong diwai. Ol i stat singaut gen. "Rung rung, rung, rung." "Rung rung, rung, rung." "Go longwe yu bikpela yaelo ai," Mali singaut long ol. Arapela tupela gen plai i kam joinim tupela, so ol 4-pela nau. "Rung rung, rung, rung." "Rung rung, rung, rung."

Rung rung, rung, rung. Rung rung, rung, rung." Kirap nogut, planti aul tru i plai i kam long kain kain daireksen na sindaun long han bilong diwai daunbilo. Planti tru sanap long graun na wokabout i go klostu long Pinto na Mali husat i paul na i no save bai mekim wanem samting. "Rung rung, rung, rung. Rung rung, rung, rung. Rung rung, rung, rung. Rung rung, rung, rung. Rung rung, rung, rung." Ol aul stop long singaut tasol bihain wanpela bikpela singaut i kamap. "Rung!" Ol aul i plai kam daun long diwai na kaikai mama na pikinini man. Ol bel rop bilong tupela i hangamap tasol long han bilong diwai long sait long rot. Kelly Moses i raitim (Shirley Gar i tanim i go long Tok Pisin)

Dai meri na Tupela Marit

I gat bilip olsem sapos wanpela man i dai, tewel bilong em bai bihainim solwara na i go long wanpela ples ol i kolim Kutiunguanimat-nupela ples bilong ol. Long planti yia i go pinis, i bin gat wanpela meri. Nem bilong em Ngurkilisen em i save stap long bikples bilong ailan bilong Lavongai. Man bilong em i bin dai pinis na em i stap em yet Insait long ples. I no long taim meri tu i dai. Tewel bilong em i krai nogut tru na tewel bilong em i wokabout i go daun long wanpela ailan ol i kolim long Tingwon, klostu long Kutiunguanimat. Long narapela ailan bilong Tingwon i gat narapela marit tu we ol stap bilong ol yet. Nem bilong tupela, Likis na Surinam. Wanpela de, Likis go long nambis, painim pis na meri bilong em tasol i stap long haus. Surinam i harim wanpela krai. Em i go ausait na lukim wanpela meri i wok long krai ausait. "Yu kam long we?" Surinam askim em. "Mi bilong bikples," tewel bilong dai meri i bekim tok. "Stop long krai na kam insait long haus. Wet inap mi kukim kaikai bilong yumi." "Wanem nem bilong yu?" "Ngurkilisen." "Nem bilong mi Surinam. Na man bilong mi go long nambis, painim pis, nem bilong em Likis." Surinam bin gutpela stret long meri tasol em i no save olsem meri ya i dai long taim i go pinis. Na dispela em i no meri tru. Na, dispela dai meri i ting olsem em i go

long rait ples bilong ol dai man Kutiunguanimat. Taim ol i wok long kuk, Likis i kamap. Surinam i tokim man bilong em long narapela meri husat kamap long haus. Olgeta i stap wantaim na dai meri i bin helpim gut tru tupela marit. Wanpela apinun, taim ol i kaikai pinis, ol i sindaun na lukim san i go daun wantaim naispela kala bilong em. "O San i go daun long Kutiunguanimat," Surinam i tok. Ngurkilisen i kirap nogut tru na askim em, "Yu tok san go daun long we?" "Em i go daun long Kutiunguanimat, bilong wanem na yu askim?" Surinam i tok. "O dispela em ples we mi mas go long en." "Tasol, dispela ples em bilong ol dai man tasol," Surinam i tokim em. "Yes, mi dai na i mas go long hap. Mi ting dispela ples em Kutiunguanimat," em i tok. Em i lusim ol na bihainim san. Tupela marit bin kirap nogut tru olsem ol i bin lukautim wanpela dai meri. Wanem samting kamap long ol long Tingwon bin kamap long planti ples long bikples. Sampela long ol lapun bilong ples i tok, sapos Surinam i no bin tokaut long ples Kutiunguanimat, olgeta dai manmeri bai stap long Tingwon, ailan insait long Wes Lavongai. Makan Sino i raitim (Shirley Gar i tanim i go long Tok Pisin)

PAINIM WOD PILAI

Ol wod lista:

- ISI
KIS
MANI
RON
SOLAP
WESTIM
NAU
JEM
LORI
MIN
RABISIM
PISIS

- YET
TAIT
KILAMO
RUM
WARI
SPAK
MURUK

- KROSIM
PILAI
TRAUT
MARAK
HUL
BUTOMA
ASUA

J E M S T N E O E S O T K E W J E M N A U S A A G
S P W I R P E P C A E E A J E O U E N Q S M Z F I
A V N Q E T B O E Y P S X I S R U I O R O N O M T
H S H T A E N Y D R I H N P T R M M Q T L H K A E
S P B R E L Y V F K E A K E I S A S U A A A S T G
T O Q E K A S G I I M P U E M L R B I R P U H M F
S A S R D G V T P B L W T E I P A S I S U K E D M
P R I X Y M D T I V G N A K E M K I L S G K M S D
F F E A T C S S E R G R T R A U T A A A I N P L W
R E R L H M I T T S O R E O I O I I C H D M D O I
G T Y N W Z K O D E E G A S H O R Z K I Q S H A A
H S X R G N K A R M N E H I U O R E S I A J E R N
E E Y U H L I O H E R E F M L S G Y R G R P A Y V
N P G O S I T I S H E O E A K E E T D G R S X O I
G R T H E H G B S T N H F O S E G J S P O U O O I
V I F O E S E E H N G F E E E L P F Z S O V C U A
F F F N M A Z L E E P C U L S I L N M R R E N B N
H O R O L C C E F T E S L C Z T R H R U N V L W S
U R U F G D I H N P F K H E G C A S I E E Z C E S
Q A D T T G T H E E M S C Q M D E B E E I S I E O

E F O P M X N M F T R D L G O S O A R N E C B S I
E F O X M S E P R Y J R U N C F A F R S O T D W Y
W C I T N Z T P S Y M M B T E I E L M O M J N A M
N A I I O G E G W O Y T E H E D S R B I L E O I J
Y P P F E Y Z O S S H F E A N S O N U O V E C R P
J E F S D G M J R R A R A S N R O T K A R I S S K
A P C I I A Y F T Q M D O M S E Q U I L J H N O P
I Z A D C I O O T S I S L T X L B L P T O U M F E
G S X H Y E V Q X V E W O O G S E T W L E S N C F
I G W S D N A O R B D A J E P K S U V I E I T T T
S B N I S E X S S F K I A E N U S L R G S N V A E
A A A B M I N I H T N S G I A M R A S A T G I F M
W E N X E C A C G X I J W S E U M P P S E L E M L
I V M H T N J P S E N R B I K R O T U H D I C C N
Q M N B E D O U E C B F I S A E E I O R T S Y G D
F Y H G D I A S A J U R K M N R V C O L Y E Q K E
E G P P T W S D A L U I O G I E T F Y S D Y E G H
S D R H R O U K O O E P P S H I K M L X E T T O E
M S E A D A R I P T U S T I L I T P P M T B W W R
V E F T Z H S N X M C P A G A M A U E N S H P N F

Ansa bilong Wod Pilai isu 2213



# TOK PISIN NEWS

from Radio Australia

radioaustralia.net.au

Harim TOK PISIN long  
Radio Australia  
**101.9FM**  
Port Moresby

Tok Pisin Service

6am - 7am 6080; 7240(KHZ)

7pm - 9pm 5995; 6020; 9710; 1280(KHZ)


## NGO grup laik gavman i mas stopim SABL nau

Caroline Tiriman i raitim

OL pipel bilong Papua Niugini i mas makim gut ol politisen long 2017 Nesenel lleksen husat bai luksave long raits bilong ol long graun na ol narapela human raits bilong ol.

Eddie Tanago, kempen kodineta egensim Special Agriculture Business Lease (SABL) wantaim NGO grup, ACT NOW i mekim dispela toktok bihain long wokabout bilong sampela mama na papagraun bilong Pomio long Is Nu Briten provins i go long Pot Mosbi long dispela wik.

Ol dispela pipel bilong Malmal viles i bin bringim samting olsem ten tausen ol petisen i go long Lens Dipat-



Logging long PNG.

men we i soim tingting bilong ol pipel i egensim dispela SABL.

Ol i tok SABL i bagarapim tru graun bilong ol, em ol i save lukim olsem, maket, ples bilong painim kumu, bus marasin na abus, na tu,

wara na planti ol narapela samting.

Praim Minista Peter O'Neill i bin tokaut olsem bai ol i rausim dispela SABL tripela yia i go pinis, tasol i kam inap nau no gat wanpela samting i kamap yet.

## Marasin i sot long PNG

Caroline Tiriman i raitim

PRESIDEN bilong Papua Niugini Sositi bilong Rural na Rimot Helt i askim ol pipel husat bai sanap long 2017 ileksen long no ken lus tingting long toktok wantaim ol dokta na ol helt sevis long stretim wari bilong helt long kantri.

Dr David Mills, husat i wok tu olsem Medikol Suprintenden long Kompian Rural Hospital long Enga, i mekim dispela toktok bihain long askim bilong Radio Australia sapos sot bilong marasin long kantri i wanpela bikpela hevi yet.

Planti komyuniti lida long kantri i wok long tokaut

strong olsem ol i wari tru olsem ol pipel i wok long dai nating long ol rural eria, na tu long ol taun long wanem, i no gat marasin.

Long wik i go pinis wanpela senia dokta, Dr Sam Yock-opua, husat i go pas long imejnsi marasin, i bin tokaut long sosel media olsem em i wari long marasin i sot.



PNG mama na pikinini.

## Juffa i tok gavman i semim pipel

Caroline Tiriman i raitim

GAVANA bilong Oro, Gary Juffa i sutim tok long gavman long mekim ol pipel i sem long Intenesnel komyuniti bihain long Yunaitet Nesenel (UN) i rausim vot bilong en bikos PNG i no baim fi bilong en.

Gary Juffa i tok dispela pasin i bagarapim nem bilong kantri na em i pasin bilong sem.

Nau PNG i mas baim samting olsem \$180,000 Australian dollars sapos em i laik kisim bek dispela voting rait bilong en.

Gavana Juffa i tok tu olsem gavman i no wok long baim ol narapela samting olsem pe bilong ol wokmanmeri long ol embasi o gavman opis bilong PNG long ol narapela kantri.

Dispela wankain hevi i wok long kamap tu insait yet

long kantri we gavman i no baim ol kain samting olsem pawa na PNG Power i katim pawa i go long nesenel palamen, Gavman Haus na sampela narapela gavman ejensi.

Long wik i go pinis Foren Minista bilong Nu Silan tu i bin autim wari bilong en olsem PNG i no baim yet ol kampani bilong Nu Silan husat i bin mekim wok long PNG.

## PNG meri i stap long Women's Dream Team

Caroline Tiriman i raitim

WANPELA meri bilong Papua Niugini i stori long pasin ol i bin mekim long makim em olsem memba bilong Women's Dream Team bihain long em i bin go pilai long World Rugby Sevens series long Sydney

long mun Janueri.

Dispela meri em Joanne Lagona husat i save pilai long Wanderers Rugby Seven's Club long Pot Mosbi.

Joanne Lagona i tok, rugby sevens i wok long gro strong nau long Papua Niugini na planti meri i wok long pilai tu.

Mis Lagona i namba wan

meri PNG long stap insait long Women's Dream Team wantaim World Player of the year Charlotte Caslick bilong Australia.

Em i tokim Radio Australia olsem, em i bin kirap nogut taim ol i bin tokim em olsem em i memba bilong Women's Dream Team.

## Australia inap benefit long Pasifik kalsa

Caroline Tiriman i raitim

HAI Komisina bilong Solomon Ailan long Australia, Collin Beck i tok ol Pasifik ailan kantri i win tru long kalsa na ol narapela samting em Australia inap luksave na lainim long em.

Em i mekim dispela toktok long National Multicultural Festival long Canberra long las wiken. Planti tausen pipel bilong ol kain kain kantri husat i save stap long Canberra i bin soim kain kain samting.

Ol pipel bilong Pasifik i bin gat ples bilong ol yet we ol i

bin soim ol kalsa, olsem danis, singsing, na tu ol i bin salim ol art na kraf na kukim kaikai bilong rijon na serim wantaim ol arapela pipel.

Hai Komisina Colin Beck i

tokim Radio Australia olsem, ol Pasifik Ailan pipel i gat ol gutpela kalsa, na tu ol i gat ol kain kain samting olsem graun, bus na solwara bilong ol em Australia inap kisim.



Hai Komisina bilong Solomon Ailan long Australia, Colin Beck.

## Ol Sentral pipel i no laikim Militari bes

Caroline Tiriman i raitim

OL Sentral pipel i wari long PNG Difens Fos i mov i go long graun bilong ol.

Wanpela tokmeri bilong Sentral Provins Presa Grup i tok gavman i no ken putim Difens Fos bes long Manumanu long wanem sampela soldia i no gat gutpela rekot long lo na oda.

Lucille Paru i mekim dispela toktok bihain long gavman i tingting long muvim Difens Fos bes i go long Bereina distrik we moa long ten tausen pipel i save stap.

Em i tok ol pipel bilong em i no save kamapim trabel, na ol i laikim dispela kain gutpela sindaun bilong ol i mas stap.

Planti taim ol memba bilong Difens Fos na polis i save

pait na kamapim trabel tu long ol pipel long Pot Mosbi, na tingting bilong gavman long putim Difens Fos long asples long Bereina nau i mekim ol pipel i wari tru.

Tupela gavman minista nau i lusim wok bilong tupela bihain long wari bilong korapsen long taim ol i bin baim graun long Manumanu bilong putim ami bes long en.

## PNG studen skul long Australia

Caroline Tiriman i raitim

LAIP bai i no isi sapos yu kamap nupela taim long narapela kantri long skul o long stap olgeta.

Dispela em toktok bilong wanpela meri bilong Papua Niugini husat i stap na skul long Australian National University long Canberra.

Matilda Kapipi i stadi long kisim Masters Digri long Asian na Pasifik stadis long ANU wantaim helpim bilong gavman bilong Australia.

Em i tok taim em i amamas long skul long Australia, em i save salim tingting i go bek long ples, long wanem em i lusim tupela pikinini bilong em na tu ol pren long PNG.

Mis Kapipi i tok tu olsem, em i lusim klostu tupela mun nau long Canberra na em i amamas long bungim ol pipel bilong ol narapela ailan kantri bilong Pasifik.

Em i bin autim dispela stori bilong en long Multicultural Festival i bin kamap long Canberra long las wiken.

## Pasifik kalsa long Australia

Caroline Tiriman i raitim

PRESIDEN bipo bilong Papua Niugini komyuniti long Canberra, Australia i tok em i wanbel stret long teritori gavman i save luksave long kalsa bilong ol kain kain pipel husat i save stap long Canberra.

Sam Wuvuai i bin mekim

dispela toktok long las wik long taim ol pipel bilong Canberra i bin makim Multicultural Festival we i bin gat ol musik, danis, kaikai na ol narapela samting em pipel bilong planti kantri i bin mekim.

Ol pipel i bin makim ol kantri olsem Australia yet, Amerika, Yurop, Saut

Amerika na Pasifik rijon i bin stap long dispela Festival.

Ol pipel bilong Pasifik i bin stap long wanpela kona bilong ol yet em ol i bin kolim long Pacific village we ol i bin soim kalsa na kukim ol kaikai na tu ol i bin pulim planti pipel wantaim ol singsing na danis bilong ol.

# Trukai laik kirapim bikpela rais fam

TRUKAI Industries Limited i kamap namba wan kampani insait long PNG long mekim bikpela fam na planim rais long sapotim famili na laip bilong ol manmeri PNG.

Dispela i lukim Trukai i strongim nem bilong em long kantri olsem wanpela namba wan rais kampani bilong kantri we olgeta manmeri i save long nem bilong em.

Long las wik, Trukai i baim ol masin bilong kirapim bikpela rais fam long PNG.

Dispela fam bai kamap namba wan bikpela rais fam bilong PNG.

Wanpela kopretiv sosaiti ol kolim Chingwam Rice Growers Cooperative (CRGC), i wok long sapotim Trukai long larim dispela bikpela rais fam i kamap.

CRGC wantaim helpim bilong Trukai bai kriapim nupela 500-hekta rais plantasin klostu long Rangiapum long Morobe Provins.

Ol bai stat kisim rais na statim rais prodaksen long dispela yia.

Narapela 80-hekta rais fam bilong dispela kopretiv



Rais plantasin klostu long Rangiapum long Morobe Provins.

sosaiti tu i stap aninit long menensmen bilong Trukai.

Ol developmen tim bilong Trukai i lukautim dispela 80-hekta rais fil long Morobe Provins.

Ol i planim rais long dispela 80 hekta rais fil na i kisim rais pinis.

Dispela 80-hekta rais fil bai kamap bikpela moa taim ol i kisim sampela moa graun.

Ol i tingting long kisim 1,500-2,000 hekta graun na dispela bai mekim rais fam i kamap bikpela moa.

Taim ol i mekim fam i kamap bikpela, ol bai skelim ol samting olsem agrimen, sekim graun, lukim weda, na stadim sisen bilong kamapim rais.

Trukai i tok dispela rais fam bai kamap bikpela rais fam insait long kantri.

Dispela i kamap taim Trukai i wok long stretim toktok wantaim gavman long larim Trukai i kamapim bikpela fam long kantri na saplaim rais long hia.

Sif Eksekutiv Opisa (CEO) bilong Trukai, Greg Wor-

thington-Eyre, i tok menesmen bilong Trukai i wok long stretim toktok wantaim Dipatmen ov Egrikalsa na Laipstok long kirapim wanpela bikpela rais fam long PNG.

"Trukai i raitim pas i go long ol Dipatmen ov Egrikalsa na Laipstok, na Dipatmen ov Tred, Komes na Industri, tasol ol i no bekim toktok yet.

"Mipela i go insait long gutpela taim we Trukai i laik kamap patna wantaim gavman na kirapim bikpela rais fam long kantri.

"Rais prodaksen bilong domestik maket i nidim bikpela graun na bikpela samting long larim planti manmeri i kisim benefit," Mista Worthington-Eyre i tok.

# Madang CBD nidim nupela drein sistem

James G. Kila i raitim

SIAMAN bilong Madang Taun Lenona Asosiesen, Talad Lucas i mekim bikpela askim nau i go long Madang taun atoriti wantaim ol politikal lida long provins long painim rot long stretim Madang taun dreines sistem.

Dispela drein sistem long Madang em ol i wokim long kolonial taim yet long 1960s na 70s, na planti pipia na rabis i go pulap na no gat lain i stretim o wokim mente-nens long em. Olsem na nau planti seksen bilong taun i wok long lukim wara i blok na solap na bagarapim ples stret.

Mista Lucas i tok nau em itaim bilong ren long Madang na ren wara i pun-daun long rup bilong planti ol nupela bilding i go daun bihainim baret na i go blok long ol eria we no gat outlet i go aut long solwara. Taim dispela i wok long kamap em i wok long lukim wara i solap sampela i go insait long ol bilding long taun.

Ol arapela Madang asples lain tu i laik lukim olsem moa wok i mas kamap long stretim Madang taun stom drein sistem bikos taun i

wok long lukim moa nupela developmen i kamap na ol ketsmen o kapa rup bilong ol nupela bilding i ken mekim bikpela wara i kamap na bagarapim taun.

Wanpela komyuniti lida long Gum viles na Ambenob Viles Kot Klak, Joe Tau Hanz i givim salens i go long ol politikal lida long kamap wantaim proposal o wok plen long givim ol dona ejensi o ovasis lain long helpim long kamapim Madang stom dreines projek.

Mista Hanz i tok Madang i wok long gro na moabeta nupela kain infrastraksa long sait long nupela taun stom dreines sistem mas kamap.

Moa long en tu narapela bikpela rot tu i mas kamap bikos namba bilong kar insait long taun i planti tru na no gat inap spes long bikpela Modilon rot long holim namba bilong ol kar.

Mista Lucas i tokaut tu olsem wanem ol lida i winim sia long 2017 nesene jeneral ileksen long Madang Open na Madang rijonal sia i mas lukluk moa long stretim Madang taun bikos em provinsal kapitel na em i mas senis bihainim taim wantaim gutpela developmen plen.

# China Embesada tok amamas long prodaksen bilong Ramu NiCo (MCC)



Vais Presiden bilong Ramu NiCo, Zhiliang Hu (left) i soim China Embesada Mista long i kam long PNG, Li Ruiyou (namba tu long lephan) long KBK nikel/kolbalt maining operesin long Usino-Bundi distrik long Madang.

EMBESEDA bilong China long PNG, Mista Li Ruiyou i givim tok amamas bilong em i go long nikel/kobalt main divelopa, Ramu NiCo Menesmen (MCC) long kamapim gutpela kwaliti prodak na bikpela mak long prodaksen.

Mista Li i tok amamas long Ramu NiCo long sait long komplaiens menesmen na wok em i kamapim long promotim ekonomik developmen na givim wok long ol pipel insait long ples em i wok nau i stap long en long Madang provins.

Embesada Li i bin mekim lukluk raun bilong em i go long Ramu NiCo KBK Main wantaim Memba bilong

Usino-Bundi, Anton Yagama long Sarere, February 17.

Ripot long Ramu NiCo KBK Main i tokaut olsem delegesin bilong Mista Li wantaim Mista Yagama i bin go kamap long KBK Main long moning na i bin go stret long sefti indaksen miting na bihain ol i go lukluk raun long nikel main eria. Bihain long dispela ol i mov i go toktok wantaim ol papagraun, husat i tokaut olsem ol i sapotim projek long go yet na ol bai givim sapot yet.

Mista Li wantaim Misa Yagama i bin go long Madang taun long apinun we ol i mekim lukluk raun i go long Madang Operesin Bes bilong Ramu NiCo (MCC)

we ol i bungim Kampani Presiden, Yong Xue na Vais Presiden, Wang Baowen.

Mista Li i harim gut ol ripot ol lain bosman bilong Ramu NiCo (MCC) i bin givim long sait long developmen na operesin bilong projek.

Em i salim tok halo bilong em long olgeta wokman na menesmen tim bilong Ramu NiCo (MCC) long gutpela divelopen long 2017 bihainim gutpela mak long sait long prodaksen. Em i askim kampani long soim gutpela eksampel long wok bilong en na kamap olsem gutpela piksa long sait long ekonomik wok-bung na pasin poroman namel long PNG na China.

# Gavman i no bekim toktok hariap

TRUKAI Industries Limited i laik kirapim bikpela rais fam long Morobe Provins na apim level bilong domestik rais prodaksen tasol gavman i no bekim toktok hariap.

Sif Eksekutiv Opisa (CEO) bilong Trukai Industries Limited, Greg Worthington-Eyre, i tok ol i laik kirapim wanpela bikpela rais plantasin na apim prodaksen bilong rais long hia.

Trukai i raitim pas na givim pinis long gavman tasol gavman i no bekim yet.

"Mipela i soim plen bilong mipela long Dipatmen ov Egrikalsa na Laipstok, na Dipatmen ov Komes, Tred na Industri.

"Tasol ol i no bekim toktok yet. Ol i no mekim wanpela gutpela toktok," Mista Worthington-Eyre i tok.

Trukai Rais bilong PNG i save kam long Australia. Ol i no save planim rais long PNG.

Tasol Trukai i laik stat planim rais long PNG na kamapim prodaksen long hia yet.

"Trukai i redi long helpim gavman bilong PNG i di-

velopim domestik rais prodaksen long hia na saplaim maket long kantri," Mista Worthington-Eyre i tok.

Mista Worthington-Eyre i tok Trukai i gat bikpela plen long planim rais long kantri na dispela plen bilong ol i wok long isi isi wok taim ol i kamapim patnasip wantaim Chingwam Kopretiv Sosaiti.

"Trukai i stap long helpim gavman na mipela i go het na strongim dispela kopretiv sosaiti bilong Chingwam we mipela i wok long mekim ol bikpela wok," em i tok.

Mista Worthington-Eyre i tok taim ol i wetim gavman long bekim toktok, ol i go het yet na mekim ol wok long kirapim bikpela rais fam long Chingwam long Morobe Provins.

"Mipela i lukluk long kirapim Rangiapum rais fam i kamap bikpela. Bai mipela i kirapim narapela 100-hekta rais plantasin klostu long Erap rais plantasin bilong Trukai," Mista Worthington-Eyre i tok.

Erap i gat ol rais sid na plantasin samting long kirapim rais. Trukai i gat ol

samting bilong faktori long prosesim na kamapim rais i stap long Erap ausait long Lae Siti.

Long mun Epril na Mei long dispela yia, Trukai bai kirapim nupela haling (hulling) mil long Lae long prosesim na kamapim rais we ol i planim long Morobe.

Em i tok namba wan rais we ol bai kamapim long dispela nupela haling plent em i rais we ol i planim long Chingwam aninit long agrimen wantaim the Chingwam Kopretiv Sosaiti.

"Dispela i makim wanpela bikpela samting. PNG bai nau mekim rais long kantri yet. Bai yumi planim rais long hia na kamapim rais long hia," em i tok.

Mista Worthington-Eyre i tok "Ol bai kisim rais long Rangiapum long mun Epril long dispela yia, na ol bai kisim i go daun long Lae long milim na miksim. Rais bilong yumi, namba wan bren bilong PNG, Trukai i bin kamapim rais stat long yia 1970 i kam inap nau em i wok long kamapim rais yet lon sevim pipel bilong PNG."

# Hailans buai bayas mekim Madang pablik ples luk nogut

James G. Kila i raitim

**PLANTI ol lain pablik manmeri long Madang taun i no amamas tumas long lukim olsem ol lain bilong Hailans rijon husat save go long Madang long baim buai i wok long kamapim pipia na tu blokim trefik long ol mein bas-stop long taun.**

Wanpela eria we ol dispela lain hailans buai baiya save bung olgeta taim long morning na apinun em long Handy Mart sevis stesin, na ol save lainim ol buai bilong ol arere long rot na mekim ples i luk nogut stret.

Wanpela lokal man na siaman bilong Madang Taun Lenona Asos-esin, Talad Lukas i mekim bikpela askim nau i go long Madang Eben Lokal Level Gavman (MULLG) long painim wanpela eria we ol dispela lain buai baiyas bilong Hailans i ken

go stap na

Lukas i tok olsem dispela ol lain i wok long brukim stret trefik lo long Madang bikos ol PMV bas bilong ol save blokim stret eben PMV stop na tu ol save pasim spes bilong trefik. Ol lokal bas sevis bilong Madang taun nau i wok long kisim hat taim long stop long Handy Mart bas stop bikos ol rut 100 haiwe bas na trak i save pasim spes tru long dispela eria em ol lokal bas save yusim.

Mista Lukas i askim tu Madang polis trefik long wokim sampela samting long muvim aut dispela eria long Handy mart olsem pablik eria long bungim ol buai beg bikos em mekim ples luk nogut stret.

Madang Taun Menesa, Lau Sorum i bin go pinis long NBC Radio Madang long mekim pablik tok save long ol pipel bilong Hailans olsem ol mas muv go bek

long Lae Bildas bas-stop na bungim ol beg buai bilong ol. Dispela em eria pastaim ol Hailans lain save yusim long kisim bas na go long ol Hailans senta.

Maski olsem Mista Sorum i bin tok save pinis long redio olsem ol Hailans lain mas muvim bas stop bilong ol i go bek long Lae Builders eria klostu long Wagol, ol Hailans lain i sakim tok na stap yet na wetim bas na bungim ol beg buai bilong ol arere long ol kapa banis klostu long Handy Mart Sevis stesin.

Ol lain bilong Hailans i bin save yusim Lae Builders bas stop eria klostu long Wagol riva pastaim, tasol wanpela hevi i bin kamap namel long ol yut bilong setelmen we i lukim ol lain i pret na muv aut na nau i kamapim maket long Handy Mart bas stop eria.



Ol lain bilong NCR long Madang i lainim buai na wetim PMV bas long go salim long Lae na Bulolo. Ol lain long Wali i redim buai beg arere long rot long Foa Mail maket. Ol poto: James G. Kila

# Beg buai pulap stret arere long Madang taun rot

James G. Kila i raitim

BUAI nau i kamap olsem 'grin gold' long Madang bikos insait long las foapela mun i lukim buai sisen na ol pablik buai maket i pulap stret long buai na ol liklik manmeri long rurel ples i salim buai na kisim mani long helpim sindaun bilong ol.

Ol lain buai baiya bilong Hailans rijon i pulim lain stret i go long Madang long baim ol buai beg long karim i go bek long ples bilong ol. Olsem na long ol pablik rot sait long Madang bai yu lukim ol waitpela buai beg i lain i stap planti stret.

Long Madang taun rot sait stat long 4- Mail maket i go olsem long taun na tu long ol eria arere long taun bai yu lukim planti ol beg bua stret i lain. Dispela ol buai em ol lain bilong arapela hap i go long Madang na baim na redim long

karim i go bek long ples bilong ol na salim.

Planti ol lain bilong salim ol beg buai i tokaut olsem buai i kamap planti stret na wan wan ol 20 kilogram beg buai long K50 na K80. Pastaim tru taim buai i sot stret, em ol save salim wanpela 20 kilogram beg buai long K150 o K200.

Wanpela lokal buai sela bilong NCR, Mots Dibura i tok olsem bikos em sisen bilong buai long Madang na saplai em planti, ol buai sela i no mekim gut mani. Moa long en tu ol maket long hap i gat buai bilong ol arapela provins tu i go long hap na bikpela resis stret i stap.

Mots i tok olsem bisnis bilong salim buai i wok long gro bikpela namel long ol lain long Madang. Bipo ol NCR ples lain save stap na wetim tasol ol hailans baiya long go baim buai bilong ol, tasol tude ol Madang pipel yet save karim ol



beg buai bilong ol na go olsem long Lae, Wau na Bulolo long Morobe na salim. Sampela i save karim beg buai na go olsem long

Hailans na salim na kambek.

Mots i tok buai bisnis i wokim sampela kain senis long ol liklik lain long ples bikos ol i salim buai na

sevim mani na wokim wok long en. Ol dispela lain husat i salim buai na kaikai mani tasol na i no tingting long sevim mani.



Ol trak bilong Hailans buai baiya i blokim PMV stop bilong ol lokal bas long kisim pasindia. Poto: James G. Kila



# Wilder i winim WBC heviweit taitel



Wol Boksen Kaunsil (WBC) heviweit taitel resis i kamap namel long Deontay Wilder na Gerald Washington.

**STRONGPELA** paitman, Deontay Wilder, i tromoi rait han bilong em long Gerald Washington long raun namba 5 na winim wol heviweit taitel.

Kaunsil (WBC), Wilder, i pun-daunim birua bilong em long Alabama, asples bilong em. Long raun namba 5, Wilder i opim ai bilong em na i tromoi wanpela strong-

pela pans long Washington na referi i singautim tupela long stop. Dispela i makim pinis bilong pait na Wilder i winim bek taitel gen.

# Manchester United i winim EFL Kap fainal



Manchester United i daunim Southampton, 3-2, long 2017 EFL Kap long Wembley.

MANCHESTER United i daunim Southampton, 3-2, long EFL Kap fainal na Jose4 Mourinho i apim tropi long Wembley long las wik Sande. Mourinho i winim bikipela namba wan tropi bilong dispela sisen sampela mun

bihain long ol i bin makim em pilai bilong United. Nau, Swede na Mourinho i kamap namba wan lain long go pas long Manchester United.

# RFU i putim 10-pela ples bilong ol klap

RAGBI Futbal Yunion (RFU) i kamapim 10-pela ples bilong ol klap long namba wan sisen bilong nupela domestik ragbi yunion resis bilong ol meri bai kamap long Ingran long mun Septemba bilong dispela yia.

Wol Kap resis long 2014, namba bilong ol meri i pilai ragbi yunion i kamap bikipela na RFU i laik dabolim namba i go antap long 50, 000. "Dispela em i bikipela divelopmen bilong ragbi bilong ol meri long kantri," RFU

dairekta bilong profesenel ragbi, Nigel Melville i tok. Bristol Ladies na Darlington Mowden em tupela klap insait long ol 10-pela kalp bai resis long namba sisen bilong Supa Ragbi resis bilong ol meri.

Supa Lig bilong ol meri i lukluk long mekim gut long kala bilong pilai na i laik skruim planti namba bilong ol meri long dispela spot.



Bihain long Ingran i winim

Bristol Ladies na Darlington Mowden i bin resis long Supa Ragbi resis bilong ol meri.

# Red Bull i tokaut long nupela kar



Nupela kar, RB13, bilong ol Red Bull i bai resis long 2017 sisen bilong Fomula 1 resis.

RED Bull i tokaut long nupela kar long salensim ol wol sempion, Mercedes, long Fomula 1 resis bilong 2017.

Dispela nupela kar em ol i kolim RB13 we ol i bin wokim long bihainim ol lo bilong 2017 long spidim kar. Draiva bilong Red Bull, Daniel Ric-

ciardo, husat i winim Malaysian Gren Priks long yia i go na pinisim namba tri long sempionsip, bihain long draiva bilong Mercedes, Nico Rosberg, na Lewis Hamilton i tok olsem nupela kar i luk naispela tru.

"Dispela i luk olsem kar i save ran kwik long wol," Ricciardo i tok.



# PUBLIC NOTICE

National Employer Conference

This is an open invitation to all employers contributing to Nambawan Super from both the Private and Public sectors. An employer's conference will be on:

Conference Details

Date: **Friday 24th March 2017**  
 Venue: **Holiday Inn**  
 Time: **9:00 am – 4:00pm**

Conference Topics

- Session 1: Fund's Highlights & New Initiatives
- Session 2: Employer's Roles & Responsibilities (contributions)
- Session 3: 2017 Investment Outlook and Property Highlights
- Session 4: Highlights of the 2016 Financial Performance
- Session 5: Highlights of Savings & Loans

Invitation is also open to employers not contributing towards any superannuation fund and want to know more about Nambawan super Ltd.

Please confirm your attendance via the following officers:

Julie Hau Mai - Ph: 1599 Email: [jmai@nambawansuper.com.pg](mailto:jmai@nambawansuper.com.pg)  
 Marjorie Kwanga - Ph: 1599 Email: [mkwanga@nambawansuper.com.pg](mailto:mkwanga@nambawansuper.com.pg)

Authorised by the Acting CEO of Nambawan Super Ltd, Mr. Vere Arava

WE CARE FOR YOUR FUTURE!



Sefti mas o wokabaut save kamap long BSK stat long rifaineri go long taunsiip.

**RAMU NiCo Menesmen (MCC) Limited** bai luksave na amamasim Nesenel Maining Sefti Wik stat long Mande, Mas 6 i go Sarere, Mas 11 long olgeta wok operesen sait bilong en long Madang.

Ol ektiviti o program bilong NMSW bai kamap long Ramu NiCo KBK Main, Basamuk Rifaineri na Madang Bes bilong kampani long luksave long dispela.

NMSW i save kamap olgeta yia long olgeta maining projek long PNG, na bikpela astingting bilong dispela wik em long luksave long pasin bilong wok sefti na wanem ol lo na polisi bilong sefti i stap em olgeta wokman-meri bilong maining i mas bihainim oltaim.

Het-tok bilong NMSW save sut long olgeta wan wan wokman meri long stap helti na stap seif olgeta de. Olsem na olgeta mas oltaim gat seif veliu na gutpela tingting long go long wan wan famili haus bilong ol bihain wantaim gutpela bodi na no gat bagarap nabaut. Moa long en em olgeta wokman meri mas:

- Save gut long veliu bilong HSE polisi na prosidsa
- No ken larim ples we i no seif long nara-pela lain o HSE Dipatmen i stretim. Yu mas givim taim bilong yu long stretim;
- Lukautim sefti bilong yu yet na helpim ol wanwok bilong yu long gutpela pasin bilong sefti.

Plantil ol kain kain program long luksave long NMSW bai kamap long KBK Main na tu long Basamuk Ri-

faineri. Sampela long ol dispela program long BSK em posta kompetisen, spits kompetisen, ERT kres reskiu so na sefti pereid na mas na tu HSE aweanes long ol skul long komyuniti.

Dispela NMSW program bai surukim tu moa HSE aweanes long olgeta wokman meri bilong Ramu NiCo, ol wokman meri bilong ol kontrakta na ol komyuniti.

Long KBK Main bai lukim HSE tim i raun i go long Enekuai praimer skul long karimaut sefti aweanes.

Ol RamuNiCo HSE opisa bai karimaut aweanes long jeneral helt na tu tokaut long wanem ol samting long abrusim long taim bilong birua na tu tokim ol sumatin long ol sefti lo.

NMSW em Sif Inspekta ov Mains Sekretariat bilong Mineral Risoses Atoriti (MRA) i bin kamapim long promotim wok kalsa bilong sefti insait long maining indastri long Papua Niugini.

Ramu NiCo Menesmen (MCC) i save luksave long NMSW long olgeta yia na kamapim ol progrem bilong en yet bihainim ol het-tok bilong sefti wik em Sif Inspekta ov Mains Sekretariat i putim.

Kampani i save kamapim ol naispela ol program bilong en long Basamuk Rifaineri na long KBK Main we ol wokman i save stap insait long en long promotim kalsa na pasin bilong sefti long wok ples.

Program bilong Basamuk Rifaineri long dispela yia em Helt, Sefti na Envairomen (HSE) wantaim BSK Rifaineri menesmen wantaim Komyuniti Afes Dipatmen bai go pas

long en em gutpela stret.

Stat long Mande Mas 6, bai lukim ol wokman i putim aut posta o piksa ol i droim long promotim astingting bilong sefti. Dispela em wanpela gutpela rot stret long soim wanem astingting em sefti i stap long tingting bilong wan wan ol wokman na ol bai putim daun long piksa ol i droim.

Wankain posta displei tu bai kamap antap long KBK Main.

Ol arapela ektiviti o program we bai kamap long Basamuk long neks wik long makim NMSW em.

Aweanes o bringim aut tok save i go long komyuniti long toktok na infomesen long envairomen sefti.

Long las yia ol opisa bilong HSE na CA Dipatmen i bin go aut long tupela elementeri skul long Basamuk eria long bringim aweanes bilong Envairomen Permit na Operesinal Envairomen Menesmen Plen (OEMP) long ol liklik skul pikinini.

Aninit long lo bilong gavman em Konsevesen na Envairomen Proteksen Atoriti (CEPA) i lukautimn Ramu NiCo i mas bihainim ol lo bilong PNG long lukautim gut bus, graun, wara na solwara long eria em i wok long en. Ramu NiCo (MCC) i save bihainim ol wok plen aninit long OEMP long sekim na banisim ol birua na bagarap long kamap long envairomen aninit long 20-pela sab-plen long was gut long wok bilong en.

Bai i gat sefti mas na ol askim na bekim miting i kamap long sait long sefti na sefti kalsa o pasin long wok ples.

# Ramu NiCo (MCC) redi long luksave long NMSW neks wik




ERT reskiu dril bai kamap.



Wan wan dipatmen bai givim toktok long sait long sefti.



Aweanes bai goaut long ol skul na komyuniti long projek eria tu.



135 KM Slurry Pipeline

KBK Mining

BSK Refinery

# PNGOC na Trukai Industries i tokaut long Trukai Fan Ran

**Philemon Tame i raitim**

**TRUKAI Industries i sapatim Papua Niugin Olimpik Komiti (PNGOC)na ol i bin tokaut long Trukai Fan Ran bilong 2017 long Pot Mosbi long las wik Fraide.**

Trukai Industries i spona long PNGOC wantaim 100,000 siot long dispela yia we ol i lukluk long salim olgeta.

Fanreising Siaman bilong PNGOC, Syd Yates, i tok olsem Trukai Fan Ran em i namba wan resis we i save helpim PNGOC long developim ol top etlit long resis long kantri na long ol narapela kantri tu.

"PNGOC i save kisim strong long ol mani ol i save kisim aninit long ol Trukai Fan Ran

siot ol i save salim long en.

"Ol i save yusim dispela mani long sapatim ol etlit bilong Tim PNG long resis long Pasifik, Komonwelt na Olimpik Gems," Yates i tok.

Nau Tim PNG i lukluk long go resis long Pasifik Mini Gems bai kamap long Pot Vila, Vanuatu, long Desember, 2017.

Oksen bilong ol Trukai Fan Ran siot bai kamap long Lae na Mosbi long Mas 8 na 9 na ol bikipela ogenaimesen husat i gat laik long baim siot i ken ringim Trukai Industries na PNGOC long rejistaim nem bilong ol.

Dispela yia, 2017, i makim namba 18 yia bilong Trukai Industries long kamap

bikipela spona bilong dispela pilai.

Nesenel Marketing Menesa bilong Trukai, Maybellyn Fernandes, i laikim ol ogenaimesen long olgeta hap long kantri long patna wantaim Trukai na PNGOC long kamapim Fan Ran iven long lokal taun bilong ol.

Yates i tok tenkyu long Trukai bilong ol i go het na sapatim Tim PNG na PNGOC na i strongim olgeta lain long bai wan wan siot long wokabaut wantaim long iven bai kamap long Jun 11.

Swima bilong Papua Niugini, Ryan Pini, makim maus bilong ol etlit na tok tenkyu long Trukai long sapatim bilong ol.



Fanreising Siaman bilong PNGOC, Syd Yates long han kais na Nesenel Seils Menesa bilong Trukai Industries, Andrew Daubney wantaim ol sumatin bilong PNG etlit i soim Trukai Fun Run T-siot bilong 2017. Poto: A. Molen/PNGOC.

## Meri skwat bilong PNG i statim kempen

MIDEL na longpela distens meri skwat bilong Papua Niugini i statim kempen bilong ol long winim medal long 2017 Pasifik Mini Gems aninit long domestik skolasip program bilong Etlitik PNG.

Ol bai makim 7-pela etlit em ol i bin winim medal long ol resis i bin kamap bipo na nau ol i stap long Lae, em Tuna Tine, Rama Kumilgo, Jenny Albert, Mary Kua, Esther Simon, Cecilia Kuman na Gethrude Joe.

Kuman na Joe i joinim dispela program gen bihain long tupela i bin lusim inap long tupela yia.

Tina Tune i gat 22 krismas i save gut long resis i statim namba 8 yia bilong em long dispela program inap long em i bin mekim gret 12 long AOG Kristen Ekademi.

Seketeri bilong Etlitik PNG, Philip Rehder, i tok tenkyu long Lae Biscuits, Panamex na Prima Smallgo-



Ol 7-pela gel husat bai resis long midel na long distens resis.

ods long ol i sapatim long dispela program we ol i bin givim kaikai na ol samting bilong haus.

Etlitik PNG i lukluk long mekim gut na daunim namba bilong medal ol i bin winim long 2015. Sikispela meri i bin resis long 2015 long midel na long distens resis na winim 3-pela gol, 4-pela silva na 3-pela brons.

Poru Gahekave i save stap long US na Kumilgo i lukluk long strongim stipolseis taitel, na Miriam Goiye i save stap long Goroka i soim sain bilong em long resis gen long 1500 mita na hap marathon gol.

Albert i lukluk long winim moa meda long em i bin winim tupela silva long 2015 gems long Pot Mosbi.

## Tsaka i siaman bilong PNGRFL yet



Siaman bilong Papua Niugini Ragbi Futbol Lig (PNGRFL), Sandis Tsaka.

OL i bin makim Sandis Tsaka gen long Anual Jenerel Miting (AGM) i bin kamap long Lae long las wiken long stap siaman bilong Papua Niugini Ragbi Futbol Lig (PNGRFL) insait long neks 3-pela yia.

Minista bilong Spot, Justin Tkatchenko, i amamas na

tok tenkyu long Tsaka long ol i bin makim em gen long siaman ples bilong PNGRFL.

"AGM i kamap orait i luk olsem menesmen bilong PNGRFL long bod level i go inap long sif eksekutiv opisa i gat strong na bilip long ol presiden bilong olgeta tim insait

long kantri," Tkatchenko i tok.

"Dispela i soim olsem ragbi lig i go kamap orait na i go pas long ol narapela spot. I no gat wanpela lain i resis egensim Tsaka na ol i bin makim em gen i soim olsem ragbi lig i kamap bikipela na gutpela nau."

## Tkatchenko i amamas long wok redi bilong Wol Kap

MINISTA bilong spot, Justin Tkatchenko, i tok olsem wok redi bilong Ragbi Lig Wol Kap 2017 bai kamap long Papua Niugini i kamap orait.

PNG bai lukautim tripela pul resis bai kamap long kantri taim Australia na Nu Silan bai lukautim ol narapela resis.

Tkatchenko i tok olsem em i amamas long ol komiti bilong lukautim wol kap resis i mekim wok gut bipo long resis bai stat long Oktoba 27 i go inap long Desember 2.

Nesenel Kapital Distrik Komisin (NCDC) i bin givim K5 milien na gavman i skruim narapela K5 milien long lukautim dispela resis.

Tupela bikipela spona bilong wol kap resis em Oil Search na SP Brewery. Tupela i mekim bikipela samt-

ing long sapatim tingting bilong Gavman long lukautim Ragbi Lig Wol Kap 2017 resis long Pot Mosbi.



Minista bilong Spot, Justin Tkatchenko.



Midel na long distens skwat i traime resis.

# MRDC i amamas long sapotim ragbi 9s



Tupela tim i pilai long taim bilong opim MRDC ragbi lig 9s long las wiken.

MINEROL Risos Developmen Kampani (MRDC) i amamas long sapotim ragbi lig 9s bilong lukim spot i kamap bikpela long kantri.

Ol i statim MRDC 9s resis long las wik Sarere moning long Nesenel Futbol Stediam na Menesa – Ekstenel Afeias bilong MRDC, Steven Evokone, i tok olsem dispela em i namba 4 yia long ol i sapotim dispela tonamen.

“Mipela i bin givim moa long K100, 000 pinis na nau mipela bai go het na sapotim dispela tonamen long bihain taim,” Evokone i tok.

“Mipela i amamas long givim sampela samting i go bek long komyuniti aninit long spot olsem ragbi lig we olgeta pipel bilong kantri i save laikim bikos MRDC em i kampani long PNG.”

## Indo kriket resis i pinisim sisen namba 5

KOPRET kriket indo resis we Pasifik Intenesenel Haus sik i sponsa i kam kamap long mak long Amini Pak long las wiken wantaim gren fainal resis.

resis i bin kamap long moning em, ol ANZ i dainim ol Puma Energy wantaim 75 ran.

Long Plet resis bilong ol man i lukim ol SCAL i daunim ol ANZ wantaim 12 ran.

Ol IRC i soim kala bilong ol

gut tru long Bowl divisen bilong ol man na daunim PNG Water wantaim 30 ran.

Long Supa \*s gren fainal bilong ol man i lukim ol BSP i kamap wina egensim ol Rigo Office wantaim 21 ran.

## O’Neil i amamas long sefing resis bai kamap long kantri



Praim Minista, Peter O’Neil.

PRAIM Minista, Peter O’Neil, i amamas long globol sefing komyuniti i save long Papua Niugini olsem hap bilong sefing na bai kisim planti turis i kam long kantri.

O’Neil i tok olsem wol i redi long kam long Papua Niugini long Kumul PNG Wol Longbod Sempionsip bai kamap long Tupira long Not Kos bilong Madang Provins

long 18 Mas i go inap long 25 Mas, 2017.

Dispela em i namba wan taim bilong Papua Niugini long lukautim intenesenel sefing resis.

Praim Minista i tok tenkyu long Sefing Asosiesen bilong Papua Niugini long ol i promotim sefing na bringim dispela bikpela resis i kam long kantri.

## Pri sisen resis bilong PRU i stat

Kapital Ragbi Yunion (CRU) i statim pri sisen gem bilong ol long las wik, Sarere, long Bava Pak, Pot Mosbi.

I gat 4-pela divisen i resis long resis long

pri sisen we Anda 19 na A-Risev bilong ol man na Premia na wan divisen bilong ol meri.

Propa sisen bai stat long neks wik.

Tupela tim i pekim skram long pri sisen resis bilong Kapital Ragbi Yunion (CRU).



# Ol Defence i daunim Tigers

OL Difens (2) i daunim ol Kone Tigers (2), 18-14, bihain long ol i bin putim las trai taim belo bilong pinis taim bilong resis i krai.

Ol Kone Tigers i bin putim 3-pela trai i lukim ol i stap pas, 14-6, long namba wan hap bilong resis.

Ol Defence i kamap klostu long poin bilong ol Tigers long stat bilong namba tu hap bilong resis bihain long Alex Ovia i putim wanpela trai. Konvesen kik i go insait na skoa i sanap olsem, 14-12.

Timothy Pola bilong ol Defence i putim las

trai bilong ol taim belo i krai na konvesen kik bilong ol i bringim skoa i go antap long 18-14 win.

Risal bilong ol narapela resis i lukim, Magani (2) i daunim Dobo Warriors (2), 12-8, Tarangau (2) i daunim Brother (3), 16-4, Hohola Flies i daunim (1) i daunim ol Paga Panthers (1, 16-6, Royals (1) i daunim ol Dobo Warriors (1), 14-12, na ol Hawks (1) i daunim ol Souths (1), 22-0.

Ol Royals i daunim ol Tarangau, 20-0, na Butterflies i daunim ol Hohola Flies, 20-8.



Tupela pilaia bilong ol Tigers i laik takolim pilaia bilong ol Defens long stat bilong MRDC 9s resis long Nesenel Futbol Stediam long las wiken.

## MRDC 9s resis i go het

Mineral Risos Developmen Kampani (MRDC) ragbi lig 9s resis bai go het tude we ol tim bai pait long kisim ol top 3 ples.

Pul resis bilong ol man na meri wantaim i kamap orait we fainal resis bai kamap long

dispela wiken long Nesenel Futbol Stediam.

Resis bilong ol man i kamapim 8-pela pul we 4-pela tim i resis long wan wan pul na ol meri i kamapim pul A na Pul B tasol.



Ol Kone Tigers i resis egensim ol Paga Panthers.



Nupela Soka Bodi: Presiden bilong Futbol Federesen Papua Niugini John Kapi Natto wantaim ol 4-pela nupela Eksektiv bilong em taim ol i lonsim FFPNG long Sarere las wik. 12-pela Asosiesen i kamapim dispela nupela soka bodi.



Soka resis bilong Pot Mosbi Soka Asosiesen pri sisen.



Ol A gret meri Bears i redi long dak haus long sofbal pilai bilong ol.



Sauten 9s ragbi lig long NFS namel long Sauts na Difens



Pri Sisen Ragbi Yunien resis long Bava Park.



Soka resis bilong Pot Mosbi Soka Asosiesen pri sisen.



Gren fainal eksen bilong Praivet Kampani Netbal namel long tupela Benk. BSP i strong na daunim Wespac 33-30.



Pilaia bilong Eagles i wel go long namba 2 bes na pilaia bilong Bears i traim long autim em na apim han long Ampaia.



WHITE TUNA FLAKES  
**DIANA White**



Manufactured by:  
RD Tuna Canners Ltd.

**WHITE TUNA insait K 2.20**



*Tasty and Flavourful White Tuna for Everyone!*



**LAPUN YA:** Pilaia bilong Mastas C grup wantaim bal i painim ol pilaia bilong em long helpim em taim pilaia bilong Cosmos i putim bikipela was long em. Dispela soka pilai i kamap long Bisini soka graun long las wiken. Pot Mosbi Soka Asosiesen Pri Sisen i ran long 3-pela wiken nau na klostu ol bai go insait long fainal. *Poto: Nicky Bernard*

## Madang FC mekim histori long OFC Sempions Lig

**James G. Kila i raitim**

**MADANG** Futbal Klap i raitim histori long winim gem 4-3 bilong en egensim Lupe Ole Soaga bilong Samoa long Tunde insait long Osenia Futbal Konfederesen Sempions Lig long Grup A. Pilai bilong ol i bin kamap long Stade Numa Daly pilai graun long Noumea, Nu Kaledonia.

Bikpela amamas tru i kirap long Madang taun long Tunde na asde na planti soka sapota i go long fesbuk long tok amamas long MFC long dispela win.

Win bilong Madang FC i brukim rekot long PNG soka bikos em i namba wan taim bilong wanpela soka tim long kantri i pilai long OFC Sempions Lig na i winim gem. Primia tim bilong PNG, Lae City Dwellers i no bin winim wanpela gem taim ol

i go pilai namba wan taim tru long Osenia Sempions Lig resis long las yia.

Ol skoa bilong Lae City Dwellers long las yia long Osenia Sempionsip Lig resis i soim olsem ol I lus, 3-0, long namba wan gem egensim ol Amicale bilong Vanuatu, 2-1 egensim Auckland City bilong Nu Silan na ol i lus 5-4 egensim Solomon Warriors bilong Solomon Ailans.

Madang FC i bin lus 3-7 long namba wan Grup A pilai bilong ol egensim AS Central Spot bilong Tahiti. Tasol strongpela toktok bilong kosa Francis Moyap, na gutpela gem plen na wanbel i tanim tebol gen na ol i winim gem egensim sempion tim bilong Samoa.

Tude (Fonde, Mas 2) bai lukim Madang FC i pilai egensim AS Magenta.

Madang FC skwat long Osenia Sempions Lig resis em:

Glen Agat (golkipa), Nigel Malagian, Don Angong, Langarap Samol, Samuel Kini, Max Sengum, Solomon Mapai, Patick Aisa, Eliuda Pohei, Vanya Malagian, Darren Steven, Hanson Topio, Michael Tole, Vincent Waroi, Papalau Awele, Stahl Gubag, Steven Inia, Kusuga Komolong (golkipa), Maskulan Pulung na Leehan Manaseh.

PNG NSL sempion Lae City Dwellers, husat i pilai long grup C bilong Oceania Sempions Lig bai pilai namba wan gem bilong ol long Sarere, Mas 11 egensim Mangere Central Park. Gem bai kamap long Oklan, Nu Silan.

LCD bai lusim kantri tude (Fonde, Mas 2) na flai i go long Fiji we ol bai pilai tu-pela poroman gem tasol engem Suva FC na Fiji Nesenel tim pastaim long ol i go long Nu Silan.

## Smail Wantaim



**Ol samting long klinim tit.**



*Good Products, Better Prices, ikam long*

**Johnstons Pharmacies Ltd**

P.O.Box 1066, Boroko, Papua New Guinea.  
Tel +675 325 3185 Fax +675 325 0190 Email sales@johnstons.com.pg